

光緒香山縣志

香山縣志卷三

卷三

新圖

羅君海田園繪  
末竟俟後補劑

香山縣志卷四

輿地上

沿革

香山縣漢番禺縣地晉以後為東官郡地唐為東莞縣地宋

紹興二十二年分置香山縣屬廣州元屬廣州路明屬廣州

府本朝因之

大清一統志 香山在縣南隔海三百里地多神仙花卉故

日香山以呈獻計之髮即今縣東南五桂山或以為香山即

香爐峯非也香爐峯在縣西南四十餘里僅窮谷中一峯耳

寰宇記何故獨舉此邪考舊志稱五桂山多異花神仙茶與

寰宇記所言正合又稱故鎮紹興間改名香山場核其地在

鳳凰山東南元豐九域志東莞有香山崖鎮場核其地蓋今

簪柏村在鳳凰山東北鳳凰山本五桂山之支舊志稱五桂

山周迴二百餘里則并鳳凰山舉之可知場鎮皆在其山麓

則其山即寰宇記所稱之香山決矣蓋縣名所由錫也顧祖

禹謂其地本東莞之香山鎮紹興間陞為縣又割南海番禺

新會三縣濱海地益之其說甚嚴舊志乃稱晉新會郡置封

樂封平二縣封樂為今縣之西南山谷字等都封平為今縣之

古鎮云云則誤甚矣試列四證明之宋書州郡志封平永南

沿革

香山縣志卷四

郡國封集元嘉十二年立是皆宋縣而非晉志且其地亦與  
今縣絕不相涉州郡志封平故屬新甯新甯在晉屬蒼梧郡  
即今新興縣地封樂以益允新夷二縣歸化民立隋書地理  
志開皇十年廢新夷入義甯義甯爲今開平縣地凡地必比  
連而後割附封樂既爲新夷所析立而新夷得廢入義甯則  
封樂地當與今開平近矣洪亮吉乾隆府廳州縣圖志稱封  
樂廢縣在新會縣西北顧祖禹方輿紀要稱封平廢縣在新  
會縣西七十里致爲顯據香山在新會之東安得跨而受之  
邪一證也王象之輿地紀勝引會要云廣州義甯開寶五年  
廢入新會六年復置太平興國改信安縣甯五年廢以地  
隸新興宋史志信安熙寧五年省爲鎮入新興縣元祐元年  
復爲縣紹聖元年復省爲鎮復爲縣還隸廣州南渡後縣無  
云云而不言所入蓋承上人新興之文言之則仍入新興可  
以義知矣故一統志直著信安置省於開平縣下開平在  
宋爲新興縣地都通志乃云紹興二十二年廢信安併入新  
會析置香山此誤讀史文淵鑒凡造之說不足據也新興爲  
新州所領縣宋自南渡至祥興未嘗有所割附各地志可覆  
考也然則封平封樂廢入義甯之後在紹興時屬新興隋志  
大業初廢封平入義甯廢封樂入新會唐志武德四年以南  
海郡之新會義甯置同州新會郡并析置封平封樂二縣貞  
觀十三年州廢省封平封樂以新會義甯屬廣州是年復置  
岡州又析義甯置封樂縣後省封樂據此則唐以後封樂亦  
廢入義甯矣南宋時新州雖止領新興一縣而其地甚廣東  
北包義甯故縣東南至海今開平新甯皆其境也香山何從

受之耶二證也宋史地理志紹興三十二年以東莞香山鎮  
爲縣考王存元豐九域志東莞有香山崖銀場新舍有金斗  
鹽場類炎武郡國利病書稱恭常都維柏村銀涌角宋初產  
銀舊志謂金斗灣在恭常都東南據此則恭常都實爲當時  
莞新二縣之界香山所割自新會香山金斗灣沿海迤西盡  
於古鎮黃梁和共極東濱海地與封平封樂不能錯入三證  
也劉漢英撰梁公德政碑云有嶺曰香山舊隸於晉南莞新  
間紹興王申始割而邑之梁公名益謙乾道七年知香山縣  
碑作於是年即建縣僅十九年耳所言嶺及四縣尤可據信  
四證也審此四證則封平封樂非縣界所及決矣舊志又云  
唐至德二年更置安爲東莞縣設鎮香山其說尤屬鑿空唐  
之鎮戍官不屬於縣縣立鎮寨官宋制始有之輿地紀勝云  
元豐止置寨官一員元豐九域志各縣下皆詳其鄉鎮監場  
而東莞下不云有鎮則設鎮更在置寨之後元豐時尙無鎮  
何論至德舊志妄誤明矣謹錄 大清一統志而訂其誤於  
此自紹興以來縣皆屬廣州府所析并然宋元明皆爲下縣  
惟明史志及統志無下縣之文今考王圻續文獻通考明太  
祖定縣三等賦十萬石以下爲上縣六萬石以下爲中縣三  
萬石以下爲下縣舊志永樂夏稅麥一十三石秋糧米一萬  
八千七百六十石崇禎夏南米二萬五千八百一十石則終  
明代仍爲下縣耳及 國朝休養生息戶籍滋殷乃與南番  
順東等同列大縣乾隆府廳州縣圖志稱爲繁疲難盡觀明  
以前異矣

祝志

宋

香山縣

下

本東莞縣香山鎮元豐五年運判徐九思請建為

縣國朝會要云紹興二十二年又陞為縣不同恐建請於元

豐創置於紹興耳不然則元豐創建中間復廢新圖經云元

豐徐九思請建為縣止置寨官一員紹興二十二年東莞縣

姚孝資請州開於朝報立縣也

與地紀勝宋史志紹興二十二年議故置彼錄此徐九

思之議梁杞預焉姚孝資之請陳天覺倡焉梁陳皆縣人請在列傳

祝志

元

香山

下

元史地理志

本香山鎮宋紹興末陞為縣仍割南海番禺

新會三縣

瀕海之地益焉元仍舊

明統志

明

香山府南南濱海

明史地理志

緇戶三十六里

明統志一百一十戶

一里  
視志

疆域

自縣治至府城二百二十里

阮通志 大清一統志作一百里申志暴志並作四百里蓋以

水道紆曲言

東至新安縣靖康歸德一百里而近

阮通志作至新安縣界一百四十里東至

零丁洋一百六十里為新安界

申

西至新會縣治一百五十里而近

阮通志作至新會縣界一百里西視志云當作西

北至鰲鯤海九十里為新會縣界水程一日至新會縣治

同上 黃標與圖作至新會縣界一百里

南至海岸九十二里

阮通志 黃標與圖云南至大海

北至番禺縣界一百二十里

東南至新安縣界一百四十里至前山寨及濠鏡澳一百六

十里俱同上按此以水道言今陸道至前山寨一百二十里又二十里至濠鏡澳申志云至東莞縣界大溪山一

百五十里亦以水道言

西南至新甯縣潮居都一百八十里至廣海衛三百里申志水

程三日餘祝志

東北至東莞縣治三百里而遙申志阮通志作至東莞縣界一百十里水程二

日餘祝志

西北至順德縣治一百二十里申志阮通志作至順德縣界三十五里水程一

日祝志

東西距二百里申志作二百九十二里南北距二百一十二里大清一統志

海嶼周迴凡七百里申志陸路東至大字都南至谷字都祝志西

至龍眼都北抵縣港為水道達廣州府河道申志

經緯度



香山二十二度偏西三度三十分

阮通志

山川

案茲約仍說志例以支照爲次序

虎跳門山在縣西南九十里

廣東圖說作一百二十里

東九里有土城焉

山西接新會厓門舵嶼尖山對峙如門中通海道水中巨石

名虎矢石魄礪攢立山巔有東礪臺與新會西礪臺交錯又

西八里則厓門之礪臺相望焉南爲大小虎海遙見獨厓赤

鼻二山如萍浮兩點

祝志

兩耳嶺在土城之西十里有兩石巘巘尖銳如馬耳故名

靈珠山在土城西南十四里其山周約二里海水環浸中成

一洲南半里有小山環列名小靈珠其西北四里許卽厓門

登山見其碣樓

王藍山與兩耳嶺相接巖然聳翠勢若屏扆下有深塹中建

護龍寺俱同上

石瓶山在城南一百四十里土人號為南山方輿紀要右側有石

擊之聲如銅鼓說志

國朝陳書詩石亦有金質鏗鏘一擊中何曾歸典樂不得讓青銅磊落自如此聲音殊未窮無須尋博物西蜀刻良規

和風山在縣西南一百二十五里上峙三峯秀立雲表

金鼓山在土城西八里左側有大石重疊扣之作金鼓聲同上

高城山即大嶺髻在縣西南一百三十里申志作六疊岫層

巒周迴如城郭元末民避寇居之申志西北有黃石澗東南有

儒巾石茶杯石狀若人治而非刀斧所就說志

文樓山在縣西南一百四十五里中拔一峯平時如臺陡崖

鳥道上有村居其麓平原廣二十餘畝自然開豁山之西五

里逾海為大虎山小虎山三虎山斷列巨浪中自成洲島烟

水蒼茫漁舟逐隊渚居者漸庶矣

同上

荔枝山在縣西南一百四十里

申志作八十里誤

其陽有林子後

嶺烽堠

申志

其山舊名羅神村明黃副使鎬之祖母崔命童僕

沿山遍植荔枝合抱凌雲因名前爲牛牯麓山下有石高丈

餘廣五尺餘石根棱棱儼成小字筆意如生

祝志

鶴兜山在縣西南一百二十五里鬼囀複陸盤紆三十餘里

林壑翳深昔爲盜藪今則有居民矣

白蕉山

申志云俗謂海傍岐石爲蕉

其山廣十里北爲桅夾門石豎如桅

夾對列若門故名二山皆分峙於海中

上洲山與下洲山相對中距三里西臨海在土城之北八里

山之陽有居民

鬱角山在北坑山之東出爲風門坳其山有巨石高二丈餘

廣丈餘上有宇如蟲鳥篆

蜻蜓洲山在土城之北二十八里昔在海中今皆成田有民

居

俱同上

三門山在海中

志

城西南八十五里

廣東圖說

三山齊斷如門今

皆成田僅留小河前半里曰竹洲山

廣東圖說

竹洲頭山

爲達邑城

要津

志

城西南八十五里北爲三門洞

廣東圖說

大沙山屹立海中山之南屬新會山頂有石勒香山新會分

界字

志

龍歸巖在縣西南九十里

志

宋黃懶道人結庵於此今有龍

歸寺東七里爲登仙石椒邱巨石岬巒成巖上橫石莖廣七

尺許長二丈餘如虹飛越半空下臨無地黃懶道人坐化之

處弟子并于二巖塑像事焉每晴雨祈禱夜見靈光往來于

二巖之間

志

黃楊山在縣西南七十里

大清一統志

與鶴兜山連距虎跳門山

二十里延袤五十里高六百餘丈山原之上有天池世謂之

天池山腹有石門其中引水飛畢傾瀾瀑布或枉渚聲溜潺

潺不斷下爲澄潭其水陽悍不耗陰霖不濫無能測其淵深

也耆舊云與海相通上爲烏巖山又上爲摩天嶺曰神仙墟

志山頂最高三峯每當夏秋曉晴常有白雲覆其上三朝無

雲則有風颶人以此占驗

採訪冊

鄧光薦祥興中避兵於此

志題詩于崖

趙時

鏐建金臺精舍于山左與龔行卿三人

隱焉前有山田數畝可耕今猶足供僧糧巖洞多素心蘭午

時蓮芭蕉弔鐘花黃楊樹山頂則產黃楊茶山僧採以饗客

可消暑瘴得者珍之北之麓折東爲大臣山曰也字山又西

北八里爲小赤坎崗亦名大臣山志其陽有烽堠又十里曰

荔枝山

大清一統志 宋鄧光薦避元亂在黃楊山上之時鑑家在黃楊山下之大赤坎村建金臺精舍於烏巖山左

與龔行卿三人隱焉玩贈詩意甚明繪寫景物亦切黃楊山

梁金震詩亦本黃通志而申志誤以五桂烏巖爲烏巖指爲

鄧光薦隱居之地不知烏巖山雖高峻而近在邑城僅三十

二里非山澤遺老所能通述也阮

通志

宋鄧光薦至烏巖山贈趙承節詩流水桃花人避秦誅茅西

嶺結爲鄰如公尙友浮邱伯顧我早師梅子眞棋酒從容新

里社衣冠藹散古遺民他年史傳收芳跡應許牽聯作隱人

酒能詩亦是仙區曉開林外海佩環夜落月中泉彈餘棋

局聽樵斧猶恐還家不記年又書烏巖山哀歌歲云暮矣

可奈何雲愁雨濕陰風多林壑摧殘海鷺波慘淡一色無山

河哀鴻啓舊枝柯飛矢不容愁良羅深山短景一鳥過會

看明午風日和國朝邑令張汝霖舟中望黃楊山詩日戀

雲綿未肯明水烟低處碧峯橫空山寂厯自今古一代興亡

繫死生草短秋風梳馬鬣溪長盡雨亂颺更寒潮尤爲家兒

怨西上匡門更不平街壁錢塘運已移問闕旅海欲安之

人如北去悲柴市墓比西治憤柏枝曲水有情通望眼斷雲

無事繁秋思百年等是滄桑盡喚起眠鷗問不知梁金震

登黃楊訪鄧光薦先生遺跡詩並注云山近厓門宋末先生  
隱此遺跡尚存 磴轉崖懸路幾灣翠蘿深處碧溪環  
莫覓孤臣跡憑眺空餘列卉殷咫尺波濤殘照裡數  
聲雞犬斷雲間青山不改年年色明月松風共往還

金鼓山在小濠涌村前山有石如鼓擊之作鼓音

採訪冊

鷹山在小濠涌村後有石如鷹

豬腰山在濠涌村後形如豬腎前有石山尖聳石上列石蓋

十八

白石嶺在小濠涌村前

騎龍石在小濠涌村形如鳳

龍門石在荔枝山村前山有石巖闊二丈餘

圓山子在乾霧鄉東北角

麒麟石在斗門村後形如麒麟

獅髻頂在大赤坎村後勢高矗天時有雲霧山頂有神仙蹟

香山縣志卷四 輿地上 山川

七

石形象人物俗呼神仙墟

出水石在大赤坎村後山石大踰畝常有甘泉湧出

石門瀑布在大赤坎村金臺寺有第一石門題字下爲深潭  
壁口石在小赤坎村左山上高約三丈餘徑約丈餘開口如  
人立形

虔婆石在小赤坎村左山邊高五丈餘二石相合內豁開如  
屋旁有大石臥地廣五六丈形如銅鼓土人呼銅鼓石

托寶石在小赤坎村前山上高約四五丈下有石承之如盤  
猊鷹石在小赤坎村前山上如鷹竦翼

石塔在小赤坎村山後聳立如獅尾

俱同上

大托山在土城東北三十里

廣東圖說云在城南九十里

西望虎跳門四

十七里四際皆海周遭二十餘里連岡盈疇枕水通阡村落



環居儼然佳境上有礪臺弁兵守焉出爲馬齒門即馬折西

三里爲石門山南則大蕉頭山

祝志

雞公頭山城西南八十五里濱臨大海

廣東圖說

黃麐門山左右有石如麐前爲小托山袤十里皆在海中

祝志

磨刀山城南八十里濱臨大海最爲險隘

廣東圖說

獨厓山在土城西南五十里尖覆如阜獨立波濤中東爲黃

梁都虎山西爲新會百峯山此山爲香山新會新甯三縣分

界

祝志

赤鼻山在土城西南五十七里

廣東圖說云在城西南一百三十里

與獨厓山

遙立海中高二丈許廣里餘洪波風翻時冒其巔爲香山新

會二縣分界

荷包山又名牛角山在土城之南七十里與大芒山列峙汪

香山縣志

卷四

輿地上

山川

八

洋中高數十丈廣十餘里中有南北二環商販漁船住泊日眾西屬新甯海界南則重溟

三角山在土城南六十二里大海中距黃梁都之南部陸地二十里孤立如三角

文灣山在土城之南六十二里大海中峯巒秀卓與連灣山對峙中界浪白濤海自成一港灣拱如門有雞心洲收束其勢山橫列如城垣廣三十餘里內有村落明正統間佛唧噥夷泊居浪白之南水村欲成澳埠後爲有司所逐

連灣山發自新甯銅鼓山大金山越海而來爲都邑之外關在土城之南六十里大海中西南爲文灣山東南與三竈大淋山對峙名雞啼門北爲文樓山湧浪山南則天水混茫矣

俱同上

三龜山在縣西南二百里海中林木蔥翠中有三石如龜故

名有田三百餘頃

按今土人云內田百餘頃

皆極膏腴其西爲浪白澳

清一統志

爲海寇所據其東與橫琴相對

廣東省城

皆抵南番大洋

爲海寇所據

按今蛋家築至魚弄村外

今俗安耕鑿士樂詩

警絃誦之聲燭然而起

祝志

國朝同知卓光任縣底泊舟三龜海口詩風雨初晴歲欲除

舟維海何忘何如村墟易米鹽爲餅蛋艇提壺酒換魚岸脚

遊巖山天閣巖在草堂村西半里許山巔產蘭花山腰巨石

嵌空如屋古榕蟠結四圍交陰中間一巖腹內左右兩竅窈

深巨測探奇者籠燭而入昔人於巖上祀觀音像三後鹽場

大使某修建月門鐘懸古樹上歲久枝葉包絡無縫臺下有

石如童子拜伏狀鄉人於此求嗣道光間鄉人重修增置石

欄客堂

採訪冊

龍蟠山俗名磨盤山在雅整畢後下為鹽場署今廢左有關帝廟鹽大使顏某舊與鄉人士賦咏其上有龍蟠晚望倡和詩其名亦大使所定

黑沙海山在下表村外黑沙海邊孤峯獨立山上有汛舊有礮臺官廳兵房山半為演武所今廢東南一望洪濤撼空天水一色

供同上

皋蘭山

阮通志作蘭山此從中志

在三窰西南二十里大海中五峯桀豎

如指谷多蘭卉

從中志

碧青山在三窰之南三里南臨海

同上

案以上黃梁湖山

沙咀為三窰總樞水口涌水出曲外有沙埔橫瀾涌口林木

暢茂沙岸上鋪戶鱗次漁舟貨船往來俱泊於此道光初有

漏丁利涌內荒地水之曲者遠之沙咀遂崩

採訪冊

淡水坑在屋邊村北田壟山下坑水出焉過石橋梯徑盤曲

上則巨石林立環列如蓮臺村人累石爲小廟祀大士像上

白水寨在憑涌怪石巉巖而後洞水齊下聲震一方

志

赤水流在太平村左石磴峻嶒飛水厯其間如白虹盤曲飛

騰上下久坐者神爲之搖都人士時登高於此

水潦槽在黃梁都山背陽能備旱潦

大板橋水在黃楊山下由石門坑橋經龍歸橋至風流橋出

斗門涌凡十三里

大深坑水合古井坑鶴兜磴石腦諸山水至乾霧出灣口凡

二十里

俱同上

案以上黃梁都水

了髻山在縣西南八十五里

廣東圖說作在城南八十里

銳出羣峯之上

頂峙喬石三遠望止見其二如了髻然

志

稜角山在縣東南八十里南面海四峯峻峭下有龍井懸瀑

大清一統志

高七十丈廣百丈峯四曰十二嶺峯曰鷹窠峯曰了

髻峯曰茅灣峯

廣東圖

峯下五眼井冬暖夏寒與溫泉相望茅

灣峯在正午位為邑治第二案山

申井久廢觀修復後訪冊

人李朝

五指山在縣東南八十里五峯排列如振手掀舉

志

金字山亦名金紫山在平嵐鄉後為一方之主山雙巒競舉

北五里許為萬仲環有卓貞女墓

同上

國朝楊仲環金字山詩行行何所見多半是雲山雨過馬蹄滑林深鳥舌蠻好花明曠野修竹鎖重關不盡登臨興蓬門宿未還 毛夢九貞女墓集古詩愁心一倍長離憂埋血空生碧草愁神女生涯原是夢月照嬌嬌獨好同遊柳絲力弱常

率恨桐葉心孤易感秋最是不堪回首處他生未卜此生休

石室在烏石橋頭鄉後三里許片石成巖嵌空如室中引泉

脈其石旁列者如站如几儼待遊憩下有神仙螺金沙

同上

大芒山在縣南八十里

黃梁都亦有山名大芒在海中而此在山谷中

同上 雍陌村

勢如奔龍昂首睨海

景西有鑼鼓岡一統志

石室可容十餘

人左右兩石相並分扣之作金革聲

志視

舊傳山上有石鼓自

鳴聲聞數里後人以銅釘鑿其上走泄氣脈為冷熱池

申今

銅釘尚時隱時見

張府志

案石鼓銅釘二事傳聞失實以舊志所有姑仍之

葫蘆山在縣東南八十三里石壁峭立如門

大清一統志

其勢甚

峻林木陰森行人樵夫憩焉又有佛屋門其東北曰東嶺北

接烏巖

案當作烏巖

其西南曰西嶺北接香鑪而山益盤蔚西嶺

之陽有水射嶺瀑布南注其南有北合山

申志

馳馬坡在縣南五十三里距蟒蛇塘汎里許牛耙石山逕旁

勒馳馬坡三字下此則平原曠野無復崎嶇

國朝焦祐年巡視澳門記

五桂山在縣東南五十五里

祝志云申志阮通志皆云八十五里誤

巖壑瀑布

與羅浮諸勝相埒山左有大小花園多異花其陽產神仙茶

新通志

高八十丈周二百里

廣東興國

爲邑鎮山上有五峯莫能度

疏其嶮領矣又有吊鐘花芳蘭馨草佳藥山果異羽奇禽逢

迎巖際北爲青山鳳山鳥巖山泉流交灌或瀦而爲潭或飛

而爲瀑金山石林殷起乎其間內有田百餘畝四望皆重洋

俯視一邑如片葉泛于巨海中

祝志

明楊思誠詩桂嶺插雲際蒼茫天四圍洪泉巽澗落寒瀑硤空飛百道穿危磴千尋下翠微曉淵洗殘黛白霧掩輕扉

響方成韻聞聲未覺希香爐思渺渺蘆阜夢依依雨氣難晴電光存夕暉沿澗卷綃幕噴薄洒珠璣低咽青溪玉舄侵



山荷衣雲垂大霧與風助巨壑成樹杪層氷折篠間赤日輝  
崖烟長景能望草菲蛇地長虹似綢雲絲帶非蓮開太  
平曉之北雪前肥時湖靈禽和高峰吟木客稀二樓山月白三  
島遙帆歸過物色思觀空悟化微重林時徙倚驚鷺夜深  
氣清湖海光遙望下層樓高齊五粒飛晨光侵曉霞寒  
霏對月垂清輝空張素幃銀河遙漢隔天籟暮春希酒沐  
霏散之玉壺空處石洗耳欲忘機香齋隨時變氤氲人  
夢非是夢都成夢草借芳菲淺翠平如鏡清苔綠上磯靈  
禽鳴凡幾處空林樵斧聲蒼壁題將逗凝澹墨未臨茶槍看欲  
展樹十箇春風雨春晴霞合絲桐白晝揮高低咽危石斷續  
應長歌

大花園在玉柱山之左上同二十四峯上之西最號奇峭石壁  
斷續凹處爲門八十餘步爲石階階廣一丈綿亙數里階盡  
少北石之橫者如胡牀豎者如展屏臥者如几方者如枰圓  
者如筐小而平者如粧臺往往月明之夕簫聲遠聞山下云  
中多奇花異卉莫可辨識稍折而南爲小花園多產芝草葛

蒲轉山左神仙茶叢生焉色香俱絕酷類芥山武夷餘不及

也苑端昂專中見聞

沙橋在谷都東三十里過逕山嶺甚峻曰退田嶺志在城南

六十里廣東圖說嶺間阪道十二曰沙橋自上視下其深不測申志

嶺高百餘丈中通一逕暴志上為平逕頂距石鼓礎十三里在

縣南五十里志在城南五十三里廣東圖說作為南北往來孔道良都谷

都分界處上有雲逕寺茶亭平徑汎萬松阪阮通志云舊志

谷中通一路即謂之徑 祝志

國朝楊節萬松阪詩山月掛松梢清光斷壑移一秋無靜夜

元鶴有 堪

豬母石在烏石鄉天后廟前石長一丈臥地如豬狀旁有圓

石如盤中微凹時有積水孫語

紗帽石在烏石山頭坊高丈餘狀如紗帽色黑如漆上同

案以上谷字都山

龍井在縣西南八十里谷字都山上天然石竇也深約二丈

闊二丈餘雨盛則垂水天晴則懸瀑申志距平嵐鄉五里由了

響發源涌溜數峯每一陡折石勢自成溪瀨中有孔穴水色

清澈當日午俯視池底有長虹橫臥彩現五色其南出乘崖

觸石成井水深不測井中突起怪石高三四丈峭立如削以

蓄其勢下則驚厯萬山流注者遠矣鄉人赴此祈雨立應祝志

元邑合黃裳詩飛瀑藏龍殷殷雷眼前蒼翠自成堆只緣問

俗乘馳馬豈為探奇數舉杯井面虹霓隨日見山頭雲雨不

時來春遊正與民同樂惟願青天萬里開國朝楊琰詩曉

聽鶯聲滿翠岑峯懸馬首向人侵乍聞鼙鼓來天上卻是鱗

潛下井心石棧過雲晴亦雨水門飛浪盡

猶陰同遊共道澄清好覓得新詩傍水吟

池在大芒山下舊志已涸洪武以來源泉復出清淑甘冽呼為石井云云今大芒山并無呼為石井者舊相傳皆云在烏石村圓山下大芒山與烏石相望疑申志或誤同上

熱池在雍陌村南申志三里原田淤如中廣可四丈許深窪莫

測四時烟起如蒸冬寒愈煥與冷池相距六里許故統名曰

冷熱池志視好事者以絲繫巨螭投其中少頃出之螯跪盡赤

若烹炙然楊節熱池記

國朝韋易詩太極渾無象陰陽卻有痕一池分冷煖萬古共寒暄北岸風如簇南涯氣欲吞誰從天地始推測到元根

案雍陌在縣南八十里而熱池記云去城三十里有

雞拍村誤雞拍村在縣東南九十六里亦不聞有熱

池然則雞拍即雍陌之訛歟

丹泉在縣南八十五里五桂山攀天嶺之石巖味香冽申志

門限嶺溪水中從塘墩坑南折烏鴉口西過孔樹兜又南出

前塢右則從東逕南折嶺背西厯馬鞭埔過榕樹埔又南過南望陂雍陌鄉建甯橋東過東山書院南過東園至熱池左則從竹林埔南過銅鼓地東折出缺因至高橋南過水截頭皆會於茅灣入孖洲海

志

平山湖泉流所發會出大溪東八里過平嵐鄉

將軍嶺澗水東流八里過烏石橋頭鄉出細墟橋會平嵐鄉之水流注三合港折東至茅灣又會雍陌大市前壟諸水過外埔前至孖洲入於海共二十餘里

俱同上

金斗灣在恭常谷字都界

志云今谷都界

水頗闊海物錯出故名

志申

銀涌在谷字都有石如龜每潮生石上浪白如銀因名

志

翰香泉在縣西南八十里陳公石之左

志申

香山縣志卷四

輿地上

山川

南

案以上谷字都水

飛雲頂桀起於五桂之東南爲恭常都主山東五里爲潭井

東北七里爲鎬石十里爲北山南九里爲西山

祝志

鳳凰山在城東南一百里高七丈廣十四里其陽有尖峯

石牛諸巖

廣東圖

東界南坑北接官塘岡西爲金竹園白蛾石

古壑諸峯南赴海

申志

舊有懷庵左有虎溪折而西爲花雨巖

瀑布千尋懸崖而下木樨藤蘿交映白雲巖側有記公廬因

僧記汝曾此著書十餘年故名

鳳山記

山頂有鳳凰髻巖

陡絕中一巖如蓮花狀曰觀音巖有池曰鳳凰池周圍數畝

多杜鵑瑞蘭池外峭壁萬仞空中拔起怪石十餘丈曰浮屠

石曰鳳凰墪石角一門天然獨開下臨無地側身而過始入

平砥寬廣數丈坐可數十人迴顧奇花異鳥萬態千形非好

勝探奇者鮮至焉

阮通志

明黃瑜詩：桃花散無源，仙妹渺何許。空餘一片山，欲逐鳳凰翁。長林暮蕭蕭，似送飛瓊語。悠然臥荒村，清夜雨。李作探詩：連峯飛嶂，峰巒真覺鳳凰樓。峭壁疑千仞，流雲暗一溪。澤聲天際落，竹影杖頭低。日曉卜山去，蒼茫路漸迷。國朝何鳴西詩：鳳勢開跨曉，峯彩光一帶。繞長松，分明碧潤花。千樹散作朝霞錦，萬重蕭立詩：山簇窮荒鳥道，盤天高雲。邇海濤寬三生石，上蒼苔潔九曲流。邊落葉，丹林月夜殘。禪伴少洞門，朝掃雪花寒。寥寥物外知誰待，一棧梧烟靜自看。鄧穀詩：靈鳥何時下，嘉名著翠巖。巖端七級，層天上一。池泉草綠名，蝴蝶花紅。號杜鵑，昔曾登石壁。下屬盡雲烟。

雞拍村山城東南九十六里往來大道

廣京圖說

南蕉山

土人呼為南山東圖說作大南山

與鳳凰山對峙申志城東南九十

二里

廣東圖說絕頂有泉清澈不竭曰龍潭

前有三電巖

申志

風門凹嶺在鳳凰山南舊有銀礦今無

暴志

在雞拍山南六里距

風門凹八里許舊有烽墩今亦廢

鵝峯在縣東南九十里南為馬山鳳鶴山東為東山雞公山

馬山係五邑之界與地上山川

左

外為大海居民採捕常在雞公山下志

秀岡嶺在會同鄉距縣南九十三里山上多怪石南為石馬

埔北為飛鵝嶺西為犁岡山勢雄峙屹然為一方之鎮採訪冊

大角山廣東圖說作大角頭山一名角頭山在縣東南八十二里由南山經風

門凹二十里至海涯橫堵眾流及入海西折而東迅流金星

門外渡海即淇澳山海中潮汐北通東洲門虎頭門東注金

星門祝志

赤花山廣東圖說作大赤花山在縣東南八十三里縣崖險峻中有石

室

石人山在縣南九十五里嶺多巨石有石人石室石碓石磨

舊傳仙人之迹又多蘭與山榛中有清泉名曰水流響谿中

水石相攻鼎響外發常如鼓革聲



大仙嶺在縣南一百里雄偉特立高入雲霄其陽爲鷹石產

蘭蕙鷹爪諸花下有石洞山麓後有石泉上有仙人迹羣鶴

翔集故村以古鶴名轉東爲杯琰石多蛤蚧大如草履

翠微山

一作翠微山

又在縣東南一百一十五里廣五里高六

十丈由鳳凰山迤邐而來山卓立而石嶙峋巔平若砥其東

崖有石屏屏外大石廣五六丈曰平臺下有古社壇壝幽寂

喬松數百株展曲飛舞如虬龍其南坳爲白鶴林鶴巢羣集

見人不驚泉三穴皆清冽西臨秋風角南接鸚鵡管山北望仙

人嶺海色山光景物洒如

俱同上

翠巖在翠微山麓矗起數石巖屏洞開中有石榻可容數人

攀磴而上狀若飛閣下稍平坦選石爲臺遙望濂泉諸勝隱

約可辨隔澗水聲如鳴珮環幽篁深處泉涓涓自石罅出穿

石梁曲折赴前溪泉之上枕石如人字名曰磬泉折而西林壑尤美當巖之半石壁笏立陽鐫翠巖二字徑四五尺陰則綠苔如罽詩人多題咏於此越石徑出山門長松夾道濤聲蔽空如坐碧油幢焉遊者謂不減西樵也

採訪冊

不琢臺在翠微鄉半山園中茂林深翳有石方廣丈餘砥平如臺遠眺山光平吞海鏡極奧如曠如之妙韋拔貢帶嘗與諸名士宴遊於此

同上

國朝楊十朋不琢臺詩不琢石爲臺天然此地開坐中無俗客應只有須來

前山嶺城東南一百二十里濱臨大海往來大道

廣東圖說

吉大山城東南一百三十里濱臨大海往來大道

同上

石牛嶺在香山場後其山有石如牛隱伏於林木葱蔚間

祝志

石屋山在上涌村後亂石縱橫宛如羣龜

採訪冊

山塘在上涌村後山廣約二畝餘牛過涉見春聞其底有石

穴久旱不涸形家以爲蔭龍池

同上

將軍山在前山寒

志

城東南一百二十五里

廣東

越海西南

八里東十五里爲龍井山其麓有巖儼如堂室可容八九人

水從石罅聚瀆而出折下曰龍泉澗瀑布百丈如雪練曝於

白石之上靜而無聲

志

廉泉洞在北山村

案當作古屏村

東南五里石室深窈窗櫺儼具湧

濡飛溜分繞左右古裕生石隙中蔭覆其上樹下石坳如盂

泉注其上溢而下泛四時不絕兩山拱夾爲垣牆海水環繞

如盤帶怪石緣溪蒼松夾徑斯亦勝遊之選地也

同上

竹仙洞在北山鄉東南四里羣山夾拱中隔溪澗石橋橫跨

如偃虹巖溜琤琮味尤清冽里人楊雲驤構石室其中花木

幽邃往來遊人恆於此觴咏焉採訪

鵝槽山在窰貝村西七里下為秋風角與將軍龍井山隔海

相對距懷鏡澳十五里為入澳津口之一上有碇臺遺址形

方石砌週十餘丈高六七尺祝志

鸚管山一作英管在鳳凰西南峙立海中高五百餘丈周迴三十

餘里山之東腰闊一洞名曰錫坑平坦寬廣田數十畝村民

耕牧其間麓之西北名大灣底環海深入四數十頃漁舟耕

舍聚處如村市南倚芒洲北眺鵝槽從海中望之山形如荷

蓋浮於水面上同上

金星山在縣南一百里當作東南二峯相峙隱若雙龍中有小嶼

如珠熱通亦曰金星門廣東興國

國朝鄧綬詩中流一柱重巖岸兩麓奔海自分中外潮從此  
屹春時平倭寇息名掛地圖存獨有珠浮翠斜陽蛋展屯

陳斗文金星門觀海詩兩山突兀跨龍宮今古茫茫浪拍空  
嵐影欲浮天上下海門惟見日西東風雷奮處歸呼吸潮湧  
行時幾復通昌極波瀾渺無際不知砥柱可從同

旗纛澳山

申志作奇術澳山今作旗澳山

在城東九十八里

水道七十里

遠望如

旗張建於海外其上支峯曰雞山巔有石高十餘丈廣畝許

如平臺曰赤嶺高數千丈可觀日出其下西北曰夾洲在海

中與羣山相對中分一澗屹然如門東北曰鹿耳灘亂石突

兀中有峭壁豁闢若戶下視橫門波流環繞風濤有聲西南

曰蒲灣漁庄雜處左有南海神廟北曰蟬島海中小洲也形

如蟬浮水中北則橫門潮汐直注其下東曰松澗從羣山飛

出直瀉百丈喬松古木幽寂鬱森人跡鮮至

志

零丁山下有零丁洋

申志

內洋曰小零丁外洋曰大零丁小零

丁洋有二石一烏一白對峙以流高可百餘仞舊稱行朝雙

闕今漁人稱雙筍云

粵中見問

宋文天祥詩辛苦遭逢起一經干戈落落四周星山河破亂風飄絮身世存沈雨打萍惶恐灘頭說惶恐零丁洋上數零丁人生自古誰無死留取丹心照汗青

望門山在縣東南一百一十里起自北嶺延袤二十里至海

門突起羣岫隔九星大洋內包鄉都外泊舟艦漁樵紛集

志

濠鏡澳山

案據舊作嶧或作濠澳或作壘

在香港縣南虎跳門外

明史外

突

出海中

大清一統志

距縣城一百四十里

志

廣東國說俱作一百

里

凡夷船停泊必以海之灣環者為澳澳者泊口也

其曰澳門則以南有十字門

志云吳震方嶺南雜記離澳門十餘里名十字門乃海中

也形如攢指中多支港通洋往來之舟皆聚於此彼此交易故有時不由澳門也

故合稱澳門或曰

澳有南臺北臺兩山相對如門云澳為一逕達前山故前山

爲村背扼吭地前山澳山對峙於海南北一沙隄互其間徑  
十里廣五六丈盡處有山拔起附尊連蜷曰蓮花山逕從山  
而名曰蓮花莖山下有天妃廟北麓有馬蛟石稍南爲望厦  
村過村折而西南一山形縷而曲東西五六里南北半之有  
南北二灣可以泊船或曰南環二灣規圓如鏡故曰濠鏡是  
稱澳焉北則青洲山前山澳山盈盈隔一水茲山浸其中厥  
壤礧厥木樛嶺旣蒼蔚石氣凝青與波光相上下澳門志略

青洲山在澳門北二里許前山寨南四里祝城東南一百二

十里廣東圖說按當作一百四十里一望葱蒨週遭皆水如金山然祝志

七姊妹石在青洲海中次第相綴每當風雨迷離烟波滅沒

彷彿仙娥翔於水湄採訪冊

白石排在前山寨西南十里秋風角西三里石從海中湧出

嶺然如小阜鳥翔集其中常數百羣

志

南野角又名娘媽角在前山寨西二十餘里

鶴洲在巨海中高峙一山頭東而昂尾西而伏形如立鶴上

接磨刀門南野角

俱同上

蚶洲在前山寨西北十里小山綿互蒼秀周迴八九里與鸚

管山相距四五里

同上

突起海中若菱角浮於水面崖左峭壁

削立豁開洞扉爲觀音巖西臨大海彌望稻田萬綠無際

採訪

冊

坦洲自白漈港村發源渡水聳起高阜鳳凰鐵帽諸山之水  
直出涌前入海洲中林木葱鬱東望鵝槽西距燈籠南連蚶  
洲北顧孖洲寶金斗灣之奧區田廬漁戶成一水國同治初  
鄉人建廟山椒祀南海神歲時報賽魚龍百戲雜還烟波浩



嶽中

印石在翠微鄉鳳池書院之西屹立田心形如半規新月旁小石散如列星形家謂與五指尖峯文筆相映射亦靈氣之所鍾者

紗帽石在長沙墟側圓頂高覆兩翼開展石罅綴小榕如簪花一枝旁數武有石方整如印牀長沙旋繞如玉帶對面金斗灣諸峯若屏若几若筆架羅列遠近明瑟如畫俱同上

企人石在澳門西十五里志城東南七十七里廣東圖說又二十

里爲掛碇山三十里爲燈籠洲七十里爲馬鬃洲白春環志

大吉山山之東中水曰內十字門小吉山山之西北中水曰

乾門澳山山之東南西對橫琴水中曰外十字門其民皆島

獮也今遷

申志

內十字門有四山曰蠔田

距澳六里

曰大小馬騮距澳

里曰上濬曰芭洲距澳十里外十字門有四山曰舵尾曰雞頸距

十五里曰橫琴距澳十里曰九澳距澳十五里二地則同而古今稱名互

異又乾門之南曰過路環即鹽竈灣今客民私採石處曰潭仔距澳十里皆

與十字門近祝志

小橫琴山下有雙女坑祝志云疑即謝女峽舊志樵夫見二女溪上就

視之化雙鯉志申今有雙鯉石記略

大橫琴山在城南二百里路最幽峻為寇所伏元末海寇王

一據之洪武二十八年寇平詔虛其地下有井澳大清一統志

深井山即仙女澳亦名井澳在橫琴下宋史瀛國公記景炎

二年帝舟入海至仙女澳遇颶風舟敗幾溺又馬南寶起兵

井澳即此大清一統志雙女坑在小橫琴山仙女澳在

仙釋澳門記畧牽混為一今從申志蓋大

小橫琴雖曰相連實東西相距也祝志

采文天祥集杜句詩並序御舟離三山至惠州之甲子門駐  
焉已而遷官富場丁丑冬敵舟來移次仙澳與戰得利尋  
南去止兩州景炎寅天蓋戊寅四月望也嗚呼痛哉注云仙  
澳即深井山陰風西北來青海天軒輕白水暮東流魂斷  
蒼梧帝廟黃瑜忠井澳詩並序宋末童謠云江南破白雁  
過又說云蓬屋則止後伯顏渡杭遂至崖而亡白雁過江  
南破更無一寸土可坐自闕入廣隨波流氣塵暗天天亦愁  
黃蘆露岸風颭上有一深井下有仙女澳漁舟不往御舟到  
風吹御舟力難撐度嗟悲哉謠與告誰與告今悲復悲蓬屋  
則止曾有時是星之火奚成爲君不見青苗行時不敢語大  
事已述黃龍去又不見金輿出時不可同殺氣先隨白雁  
來舒王生第上死宋家刑當乃如此嗟嗟井澳徒悲爾

老萬山城東南二百二十里大海中林深菁密最爲險隘

圖說又詳海防

馬蛟石在蓮花山北麓石橢而磽無趾三小石承之相傳淨

浪至澳門記略

石嶺在官塘西南花山之巔形如礮俗呼石銃頂開乾隆間  
海寇入境神顯威靈隱隱有礮聲賊乃退云峭壁中有石室

供奉前朝飛來六祖像室下石泉懸崖而出

採訪

響石在蓮花山南麓和之碣磐前有蔡烈婦墓

祝志

公婆石在望廈村前二石相並烟月迷離之際望若男女比

肩立即之仍石也夷人反目於室出則詣石禳解之

澳門記略

三奇石一洋船石相傳明萬厯時閩賈巨舶被颶殆甚俄見

神女立於山側舟遂安立廟祠天妃名其地曰娘媽角娘媽

耆閩語天妃也於廟前石上鐫舟形及利涉大川四字以昭

神異一海覺石在娘媽角左壁立數十尋有墨書海覺二字

徑逾丈

祝志云羅字者不可考石壁下有林園垣詩後鐫云乾隆三年仲夏同海覺勝

一蝦蟇石其

形圓其色青潤每風雨當夕海潮初上則閣閣有聲

同上

國朝邑令許象元遊海角石下詩石磴盤紆入山阿結小亭

蓮花開佛地蓮島宅仙靈蔚樹十年碧中洲四面青鴻濛原

共冥冥

石礮石在香山場後松柏山石高丈餘中有縫儼分二截如

礮狀雨則水從石縫中出若礮之磨物然

祝志

石溪洞在松柏山後洞有石榻寬廣坐可數十人榻下泉流  
清冽外則溪水環繞松木蒼鬱

升斗石在香山場東北溪口有大小二石如升斗形溪多沙  
水不爲沙所阻從二石中流是年米價平或側出則米價昂  
土人常以此占豐歉

石甌山在香山場之南石高數仞屹立山巔形圓直如甌下  
有小石盤錯其中春夏雲霞蒸蔚如爨烟然因以得名土人  
又名爲爨園石

白蓮洞在吉大村西四里相傳古有僧人隱跡於此遍洞種  
白蓮今仍存其址上有石室殊幽勝對山亭亭尖聳如童子

參拜然下有石巖清泉滴溜

阿婆石在前山寨城外遵海而南有叢石周遭里許參差眾石中一石狀如老媪垂首坐水中俗以阿婆名之雖颶風海溢亦不能沒其頂云

三台石室在前山寨城東三里山高四五十丈巔平坦有石二枕地上橫壘一石架之如蓋然中空可容出入石壁上昔人鐫三台二字

燕子石在縣東一百一十里海旁以形似名舊志贅商死於

山上一宿蟻銜泥成墳號黃章墓疑唐孔璋墓也

黃志

檳榔石當十字門兩滙中隱見無定舟觸之立碎

祝志

案以上恭常都山

石龜潭在前山寨龜貝村前怪石巖巖如龜如鶴如鹿如老

人錯列於海岸詭形異狀神肖如生觀者惑焉

祝志

峙泉在那洲南石人山頂兩泉南北分流至山腰而合洞門兩峯秀峙石壁峭立中間飛瀑噴瀉近玩如雨遠望如簾洞深邃南有石室可環坐數人

採訪

溥香泉在官塘西北金鼎山中有二石一曰樸樸石聲如金鼓一曰神仙足蹟出泉清冽下爲溥香泉酌之甘如醴

普濟泉在官塘南大村山下

緣潭在古鶴村距縣城九十里發源於大仙嶺其上爲青潭滑石潭綿亙數里曲折而西石壁峭立中界飛瀑下注爲潭四旁石如砌水深數丈澄澈甘冽其流可灌田十餘頃相傳有水神曰娘子歲旱呼而祝之雨立應

鶴井在古鶴後山其源有巨石闊可畝餘相傳有神仙遊戲

於此遇樵者化鶴飛去至今石面遺跡宛然其地後多白鶴  
因以名村下流與綠潭水相匯入海俱同上

百峒溪在鳳凰山之東百峒飛瀑而來中有石高砥眾流上

鑄百峒溪三字祝志

石虎溪在雞拍村南里許由鳳凰山左澗西流數里有石枕  
溪中形如虎亢旱時蓄聚溪水可灌田數十畝採訪冊

滴水嶺瀑布在楊梅斜界其水發源於大山石筍如齒齧而  
爲渦下臨峭壁懸溜直瀉如匹練

石盃泉在北嶺村叢薄間泉脉湧出石如仰盃水注其上

春花泉在牛頭潭春花坑邊故名泉深不逾尺泥白如脂雜  
以沙礫融爲玉液離春花泉里許有地噴泉在黃茅斜左爲  
坑水所薄然不能掩其清甘俱同上



蘆花水在大仙嶺東石筍高出五六尺噴溢如蘆花又東爲綠潭恆見神女出沒大旱致禱神女見則雨至

祝志

衆人坑泉在洪澳鄉一里泉從石出秋冬不竭鄉人仰汲地本鹹湖此獨清冽亦靈泉也

採訪

飛雲嶺左澗水歷牛淥坑北山坑會金鼎山同出上柵官涌橋入于東海其右澗水歷雙龍西山那洲牛欄坑會同村出水激橋過茅潭涌入孖洲海

祝志

三尖山右澗水過大仙嶺門限嶺匯外界涌出孖洲海山窰逕左澗水過大小赤山大小南山至東岸村出大閘橋入于東海

鳳凰山左澗水過神前逕山崖鷹鑽山龍潭坑出雞拍村涌口橋入于南海其右澗水過東坑鐵帽山鐵鈴嶺會南大涌

村前出坦洲海其中支澗水過香山場合外神前村乾涌南  
村新村出升斗石入于東海

翠微溪過大野山牛鐵嶺上涌匯會鵝槽山出蚬洲海

峽口瀝在南屏村西八里將軍山峙其東鸚鵡山峙其西北  
接鵝槽坦洲孖洲蚬洲諸港之水南達外洋長十里許兩壁  
峭石水急如箭而渦潭旋轉潔洞如螺紋焉風雨將作則雲  
霧杳冥海豚跳躍嘶風吸浪黑黃蒼赤出沒波濤險怪萬狀  
以諸山爲外障故內則勢谷叢雜此爲要隘也

俱同上

九星洋在城東南海中有九島如星爲九星洲山

廣東輿圖  
祝志云

卽七星洲山多石巖有水甘美爲番船往來所汲曰天塘水

阮通志

天井湖在官塘南之湖仔峽峭壁無瀑浮險四注貫於湖中

天然若井靜深不窮峽上有仙人蹤跡數處

申志云在下楊  
村誤 祝志

歲旱鄉人取湖水至旱福場所雨立應

中志

石牛潭在下村前有巨石肖牛若渡水狀其形半沒潭中半浮潭上

志

澳山泉曰大龍喉泉曰二龍喉泉曰小龍喉泉俱在東望洋寺右曰山水園泉在西望洋寺下皆水自石出清冽甘美

紅黑海在澳門關前側其沙堤長十里廣五六丈堤之西則水色清碧堤之東則浪湧紅黃故俗有此名也而關前以南其沙堤之色微黑又與關以內沙色截然判分

俱同上

十字門水東自東莞虎頭門經黃角東洲門涌口門金星門九星洲零丁山濠鏡澳來西由海洲古鑑經三門口南野角大小橫琴合濠鏡澳出十字門

廣東輿圖

案以上恭常都水

震竹山在縣東南四十五里爲五桂東南諸山最傑出者積石峩峩甚爲崇峻遙望如金仙聳立於雲霄翹觀東海拱揖朝曦北爲鷓鴣山山峽處爲較剪門志有碓坑在縣東三十五里有石礮石碓是有碓坑之目東南坡有土神名石仔廟左有深坑名賣魚林叢樹幽寂山水之趣尤深人情

烟筒

又作峒

山一名烟綰

又作管

山上有烟塾舊址故名在縣東

三十五里

甲志作五里誤

西爲白石馬峽東爲馬蹄石泉水出焉

東南一小峯俗呼爲冲天鳳有石泉俗呼爲盧亭井山

廣東圖說

作盧北臨海嶺平地屋址數間猶存者舊云

國初時設以

守望者

白雲山本名白雲巖

出見明邑敘謝巖以成詩

今俗呼爲白

米山占歲者云野火燬山頂主旱在縣東四十五里申志云六十里

誤廣東南圖西為石山東曰日角山即大尖峯矗立奔起

而東如欲臨海而渡者上同

東洲山亦曰東洲在縣東五十五里海道六十五里

南距麻子村五里其山突入海中東西數里中劃然而開上

引江流之黃淤下匯滄海之鹹潮湍激渦流四者如囊凸者

如螺其勢驟迅門東名紗帽山亦稱直其東北名迴頭雁山

亦名飛鵝山大清一統其外名橫洲山與東洲山夾出而

東是為橫門較東洲門差小而灣曲如環水路平緩可以泊

舟矣迴頭雁山之麓水甚淺渡輒膠舟東北為蟻洲山雖小

而皆石又北為馬鞍洲西北十里為三洲二洲舊皆在海中

今潭田相接二洲之中隔一小港耳又上為大洲俗名大東

北八十里為虎頭門東南一百里為南頭寨東四十里為龍

穴洲而浮虛東濠則在東洲之上流也

祝志

國朝鄧穀詩雨崖山勢斷一竅海門開上下湖城淡東西路往來渦漩西似蕤湍急響如雷寄語操舟者波平候汐回

天梯山在縣東三十里

案廣東圖說作二十五里誤

小隱村南高逾眾山

其下峯巒層折巖壑迴環中通一徑內有田數畝澗上縣泉

飛瀑澎湃決咽緣澗側上其勢高峭名曰天梯巔則平坦可

以遊觀

同上

小隱山在城東三十里原濱大海有小隱汛後因沙淤成小

隱村

廣東圖說

大環山

大清一統志作大圖山

在縣東二十八里

祝志申志作在神縣東南四十里誤

涌之東三峯並峙海上亦名三洲山

大清一統志

宮花水從神涌

來繞出其後入二洲

祝志

案以上四字都山

黃道山

俗名石狗山

在縣東四十里

申志作東二十里

距雲衢書院西南

一里南有石室可容十餘人

志

室內石大小不一擊之作金

鼓聲俗呼石鑼石鼓亦名石鑼門

志

山巔多巨石蔭以喬

松

志

奇秀高潔宋黃道人修道故址也

志

同治癸酉亨美鄉

人於石巖築室祀道人像

志

下有新美齋為鄉人王蔣陳

梁義塾

志

今廢山之左為西村

志

雲梯山昔有張許二道人結庵絕頂今石扁猶存

志

高百餘

丈廣六里

郝通志云高七丈廣百丈誤

在縣東四十五里

申志云七十里誤

極峻

之處有石狀如鷹其凹處豁然成湖廣數畝名寶鴨池池上

為菴場舊址半嶺有泉莊二字石刻下十餘丈有雲梯二字

石刻

志

山半有許道人墓同治癸酉泮沙鄉人傳道人顯應

香火殷盛後鄉人建廟墓側歲時祀焉採訪冊

塢山在縣東五十里當潮口門中東盡滄溟烟雲杳靄天晴

則東莞新安諸山遙在依稀隱見間山形如珠上建塢高七

級又詳古蹟魚梁橫互一里許其中堰水為闊空承之以罟以捕

魚凡九處潮汐出入浪花滾雪勢甚漂疾梁以內則山水縈

環梁以外則波濤灩澦東北為岐頭山東南為大流角山有

臺皆當涌口門兩岸盡處東臨大海海中諸山近麻子外沙

者為竹洲一名竹嶼其下為馬尾洲一名牛尾嶼為燈籠洲在涌口門東二十里

最為梳粧排為外黃茅內黃茅為羅砵洲為了洲為泗東山

泗東山最傍岸與屋口為燕石案海中諸山竹洲馬尾洲泗門岡對峙可涉

國朝邑令魯選齡涌口詩涌口天然景肩輿非漫遊浮圖

出海面飛瀑下山頭鳩喚千村雨農歌四野秋橋南嶼白叟



龍門山在縣東五十二里距崖口村東二里舊產金竹甲他處五桂山東支之水由此出海南隔一涌爲下田林上紅旗洞在縣南五十里中有石船有穴名狂魚出水形居洞側昔人葬此其後家生一子驍勇能以席爲船入城市又以石化爲船可渡海後母發冢子死石船猶存

祝志云申志列勝蹟考大字都有紅旗嶺疑卽此今案大字都之紅旗嶺在縣東南六十里并無石船古蹟故老亦不偶及此軼事疑申志別有所指

### 案以上大字都山

涌口門海所通膠遠在縣東七十五里

以水道言

上有礮臺北十

里爲東洲門南三十里爲金星門

屬赤常都

其外山痕如螺黛染

點於烟浪中者爲淇澳山距涌口門東南二十五里又東皆

大海與東莞新安相接約七十餘里東洲金星皆西近岸故  
泛海者率由兩門上下沿岸而行其往來寄碇停泊之處若

雞頭角沙環后沙環過流環並有市肆鹽海諸村有海草康熙

時巡撫法海為海埔少田給與附近居民任其採捕以資生計潮自東南來故涌口門潮汐

較縣治常早五六刻涌口門裏之海舊名豐阜四大兩都環

聚而居北四字都南大字都中徑八里田畛相望海潮灌漑上接眾溪

之流委輸出涌口門實四大兩都水道咽喉也志

小隱港在三洲口海潮自東過小隱村北通大環過渡處有天后龍王

廟江尾頭西了東了神涌諸村之水又宮花水從五桂北出

合諸山之水成大溪經神涌前與港屬并頭山左峰之水過東了過大環白石馬

左關之水過小隱俱注於港近港口立水柵三上築礮臺旁有天距水柵

三十餘丈出港而東有下茄涌四巖山後瀾水西出黎村注之寮角涌山

州坑廟小土屏山澗

平蒚涌

四巖山前澗水從象地左迤東過仰天螺山注之

榕樹

涌

即榕樹環有平浪廟土屏山澗水自東至龍舟坑注之

筆架環

大尖峯湧水自東過金鐘山注之

其

水俱北入海又東爲東洲門

石盤溪從四巖山下東出南過碁盤石西過濠涌村

州筒山澗水自

西來經南邊塘之北右繞南塘左與溪合

入涌口門

三度溪從八簾嶂東出北流而西過營地埔雙石橋稍北

八簾

嶂北一爲馬踢水一爲白石坑水俱自南來注

爲三度溪北至神涌前會宮花水出

小隱港

土屏山右澗水東北出麻子村長沙環入海

出水象山澗水東經麻子村左入竹洲

四巖山前澗水東過麻子村下灣山入李屋邊岐頭海

俱同上

案以上四字都水

香山縣志

卷四

地理

山川

水

合水口溪從較剪門東至田螺坑

劍門坑水自來北來與之合

又東過溪

底

震竹山澗水燭泥逕澗水西南流與橫逕左澗水合而北與之合

為三合水東出過簪箕

環至合水口村前

雲梯山寶鴨池水自南來注

折而北過黃道山前至沙

岡嘴東至九渡橋五渡橋東出涌口門入海

疏

白企溪從破鑊逕東注過白企至下灣石板橋過大畧頭東

行折北會合水口溪

龍頭墟溪從分流永東注過貝頭裏三山虎車過龍頭墟

確坑

山澗水自北來過大車村右并頭山澗水自西來過湖頭山至大車村前合流出貝利港南注以

東至沙岡

場

白石馬山澗水自西北來過赤坎環出後為坑西過大車注於溪其東過西江美首注沙岡嘴

又東至沙

岡嘴與合水口溪會匯

以上三條源出大字鄉流四字鄉

石門溪從五桂山東南南出東過龍舟地

西麓逕右澗水自北來注

又東

過員岡前

紅旗嶺左澗水為流龍坑自南來注

又東過石門村

震竹山澗水為牛路坑自北來

又東南至山門

1. The first step is to identify the problem or question that needs to be answered.

又東過平山崖口

大望山南澗水過平山  
溯至溪尾台流出崖門

西坑之水南出

1

折而西

龍穴頭水從大望山北出折東至龍穴頭王家車水自西來注過左步

1  
2  
3

案以上大字都水

羊欄大屏山在縣東十五里高出羣山上有石形如獅子如

老人土俗呼曰白鬚公下有泉清冽祝志

紫馬嶺在縣東南十里暴志云在縣南五里四面皆田地接釜涌

祝志云釜嶺上有天池芰荷生焉舊志云元末浚南濠此池

涸申志

元縣令黃裳春日勸農詩原隰東風二月時勸農聯轡到天池宦遊花縣三年舊心事香山百詠知民瘼未甦思活策春耕宜早趁先期有情無欲時思遠天遠無由到王堤明黃仲翁詩天地方半欲半欲盡荷田借問荷花主蓬萊是主家伍瑞隆詩天上詩花天上開不應吹落世間來秋風昨夜看如清帝道天施作壽標

金紫山按舊志在縣東南十五里伏虎岡北祝志按大

東北十里申志亦作十里天霽則雲霞輝映色若金紫上有

石泉大禹寒冽不竭申志東北虎涌虎涌申志誤作釜後又改為庫邑人劉世重合

紀以詩

明黃

我進

珂聲

重簾

與彩

是草

甘牧

滿詩

入天

始放

詩垂紳初源歷漱玉乍玲玲山色驚人月泉流足

國朝邑令市良翰詩嚴溜飛懸銀練色山風吹作玉

有沈泉終古在遊人曾見幾年清伍瑞隆詩日照

翠飛泉百尺下奔湍我曾親手探明玉流盡龍圖

蕭想青雲根深處漾清漪向蒼厓欲下遲自

獨邱壑得清時藤蘿交映翠陰落澗味全

知好事月台攜茗椀入林題詠紀新詩劉世重虎

梁沙路遠溪明九曲迴流凍有聲出壑亂雲當盡合

隔江雪後幾舒葉山菊冬餘

向古氣候四時花木總春榮

按疏志載金紫山有二一在谷字都平嵐村後計當

去城七十八里此則去城十餘里見大清一統志

及申志諸書俗呼金字山前人所稱金紫巖溜為邑

八景之一者也祝志叙谷都之金紫山云金字山亦

名金紫山又有朝曦夕照金紫爛然之語與此山相

混今於谷都一條刪此數語而補錄一統志語於此

香山縣志卷四輿地上山川

以存其舊而訂之如此

萌尾山

又名烟崗

在縣東二十里萌尾新愛諸村環列其下東爲

張家邊

同上

其西爲濠頭北臨海烽墩

申志

陵岡山在縣東十五里

志

八簾障山在縣東二十五里岫衍峯連山開八面故名中有

古洞其深莫測俗名黃巢藏相傳唐末時鄉人避黃巢亂於

此北爲水棧坑怪石嶽嵒聯積爲一或坦如平地或聳爲巖

巒水穿流其中聲若琴筑又有飛瀑奔澗陡崖水花星白恍

若珠簾遠掛雲間

此山界於得能都四大都之中

五馬峯在縣東十里下爲濠頭村遙望山形如嘶風逐日

俱同上

平田山在縣東南山互十里許後爲五桂山稍折而西爲南



船帶山北之麓為馬駢山狗眠山其西南為石塘山下為石

塘村林訪

崇禎志載申志平田山在縣東八

十里一山又山門大字都下有平田村今山

與山云今按得能都近谷都界有平田

山山四十里祝志謂無此山固誤申志

謂山八十里又云在大字都亦誤也

長江山又大鰲山廣東圖說在縣東南二十五里大清

作三西山上為蟾蜍嶺南接烏巖山志眾水出焉北

合神入平海申志

烏巖山在縣東南三十二里申志誤作烏巖云在東南六十

巖者惟得能都土俗所呼有烏巖山是五桂山內之一峯

申志又云東抵雲梯諸山赴海西介香爐北為千秋嶺紅旗

嶺西北抵雙合山至於海牽敘諸山跨涉遙遠南為五桂山  
殊為失實至指為鄧光薦避亂居此尤未考矣  
東介鷓鴣峯西接鴻鶴尖北抵長江山聯巖累嶂青翠深沈  
中藏奧區矣志

茄頭角山挺起在縣東二十四里張家邊之東盡處北接水  
洲南控三洲上被白雲下襟大海山上一閣僅避風雨中祀  
三仙娘莫考其建立之年矣耆舊云每風清月朗時聞閣上  
有歌吹之聲下亂石礧礧中一石略平跡迹深顯今仍存焉  
同上

案以上得能都山

大龍潭在虎涌村後志山頂有潭飛瀑舊傳有靈物蜿蜒出  
入人或見之歲旱致禱或鮪魚出則雨今不驗申志  
宮花水在縣東二十里申志云三十里誤為五桂長江山眾水所匯

申志但言出長江山未悉翠微綠波瀟漫旋折板橋數處復設小舟以備

險濤志

金紫泉在縣東十五里上同與巖溜相去百餘武景志

金竹泉在縣東十五里志較金紫泉差列景志

紫馬泉在縣東十里志出紫馬嶺下因名景志

金蝦泉在縣東十里五馬峯麓中有金色蝦故名祝志

湧泉在獅狗埔田塍下泉出處皆洋沙或以沙覆其上水噴

溢益迅不渾不竭上同

案以上得能都水

飯包石山在縣西南六十里土名亞翠若黛螺高入雲表

金鐘山在縣西南三十五里以木道言山之東有烽埃嘉慶十四年總兵許

廷桂賊及於此俱祝志

香山縣志卷四 輿地上 山川



湖洲山與灣月山相接孤峭臨海一名文筆山大清志曰阜

峯文筆申志祝志云俗在縣西南三十里以水道言大清

一統志作嶺縣治案山下有湖久之成洲因名方輿高七十

丈廣百丈廣東與金鐘山南北相距八里許其西皆瀕深灣

海為一邑水口要衝兩山之間眾嶺複沓有棋盤石蟾蜍石

流水石元寶石祝志

國朝楊節詩一枝青玉彩雲攢似擬南離自染翰日下研朱

淨鳥簃月中飛白上毫端銀河法林樹全濕碧落遺書墨未

乾囊盡九州思脫穎五花光似照人寒劉信烈詩阜峯孤

峙瞰汪洋地輒何年出大荒豈有巨靈遺翠管恍疑帝子按

天章崖邊虛憶龍蛇蟄淵底無勞辨蜃藏好燕銀河濯翰離可能半字挾風霜

灣月山一名鹿鳴嶺在縣西南三十里以水道言暴志作

志與湖洲山相接申志羣峯森立為縣之案大清志南臺山在飯包石山西北二十里按當作縣西南三十里蘇

志作六  
十里誤  
南接香爐峯北為南坑峯巒聳秀氣象端然志高六

十丈廣百丈梅花水在其南有觀音巖都志

國朝邑令申良翰詩秋老峯青夜未闌蟾蜍腹皎弄清寒九  
天宮闕樹空近萬里山川入掌看任瑞隆詩秋水秋風秋  
漸勻南臺秋色已清幽青天一夜開明月照盡城中城外人  
李仙枝詩振策南臺山鳥道遙觀十步一回折曲曲雙  
桂暹枯樹挺桂柯橫斜勢欲飛松板若龍姿怒攫孤峯側山  
角涼不飛登人語息絕頂見銀臺披豁倦眠拭梁明際  
詩雲淨高空夜氣清南臺徒倚月華生白連銀海渾無色光  
度秋風若有聲跨鶴欲尋王子晉步虛誰負許飛瓊振衣更  
上峯頭望恍在仙人十二城

北臺山在縣西南二十五里志大清一統高約八十丈

廣百丈廣東與南臺山相對大清一統其南有小龍潭歲旱以

白鵝祝之燒白石投洞內輒雨張府志

香爐峯在縣西南三十四里阮通志申志東界白銀水馬

屯西南接黃茅斜屬谷北為南臺西為沙角徑峯崖幽峻瀑

峽水

香山縣志卷四

布懸焉

廣東輿圖參祝志記云東莞有香山疑即香爐山

大清一統志引寰宇

祝志

東陽山在南臺之北縣西南三十里

祝志

馬屯山在縣東南五十里南接五桂東界四大都西為平逕

諸山北為鴻鶴尖嶺

上全

鴻鶴嶺一名鴻鶴尖秀峯插天

申志

在縣東南四十六里

按當作四

里十二南接馬屯東抵得能都北挹千秋嶺

申志云三面臨海誤

祝志

千秋嶺在縣東南三十二里

廣東輿圖說作三十里

其右小峯

屬得能都

有石

如飛仙特立名跂人石

虎逕在縣東南三十里平坦如逕北為蟾蜍嶺西為雙台山

雙合山

申志作相合

在縣南三十里

廣東輿圖說作三十五里

兩峯競勢婉合

如一中通山徑名鳳凰坳山中好義者於此設茶以待行客

按黃河瑞設茶於此見列傳

柏葉嶺

申志作在縣南三十里俱同

國朝蕭欽伯松林詩樵父從余遊遙指南山麓柏葉嶺為  
林蒼翠時望之不可見即之隔原隰晴春空幽尋度澗松風謾  
養心目望之不可見即之隔原隰晴春空幽尋度澗松風謾  
漸近遂居人言言舊相城奔趨忽東來孤販遠相逐頗疑嘉  
者多此中詎可謂無家及里門人家落喬木結宇非茅茨連  
岡隨松竹松葉人不知山春山鳥鳴鵲場園廣以平秋成有餘  
築西南轉關美麻山翠如畫其下有良苗雲氣秀種稔  
洞口流淙琮琤送客意里溪香露白與區幽棲無人卜

貴峯山本名大父山在縣南四十里高三百餘丈為縣治前

案

和通

其東南有山徑南有小尖峯簪葉嶺申志上有祠祀山

神邑人所禱焉

祝志

國朝梁金震望貴峯山詩高拱仁山獨擅靈烟霞長譏畫冥  
冥江漢曉映千重碧天際遙連一片青飛瀑蒼涼疑霧雨懸  
崖標彩霞雲星何時直躡孤峯頂笑指扶桑探日星楊輝  
竹大尖山詩絕壁峭無際凌空誰與倚雲疑從屐起人欲傍  
天遊陰壑驚猿避崩崖過鳥  
愁浪言塵世閱雙眼已全收

壽星塘山在縣南四十五里

大清一統志東為石鼓磴諸山

壽星塘山在縣南四十五里

志作

二十里

東為石鼓磴諸山

峯巒森峭羅列左右如排衙同高二十丈廣二百丈塘水數

畝山居其陰與舊傳蓬萊仙寓此梅花水出焉其陽為

六十陂大嶺石溪瀑布出焉潞為大龍潭大清一統志

明黃經詩靈潭合曉日奇木入寒烟野鹿啣花戲巖壑傍石眠數聲南去雁一陂北來仙縹緲飛霞裏吾將問引年

戴土嶺在縣南三十五里益即此距壽星塘五里其麓多石

其南有龍塘村前為龍潭又南有花樹坑山多刺桐祝志

元邑令黃裳詩聞道鄉人說刺桐未花先葉是年豐我來到此憂民瘼只愛青青不愛紅

小嶺在縣南二十里大尖山之北與桂峯寺相距三里餘上

為九折坂外則重山朝揖遠隔凡翠舊有香林寺今廢同

治初邑人重修採訪冊

國朝李孔昭秋目遊小嶺詩清秋秋色極寥廓千峯萬壑如削九折紆盤磴道深一徑松杉入崖壑移枝百尺走蒼虬噴入地底風雷薄飛空瀑布掛堂門今古山間無鎖鑰扶筇重過虎溪橋科頭解衣煮磅礴靈巖過雨紫芽新旗槍半展



破國酌開香先參羣觀譚飲履直歸藏經閣窈窕窗間放白  
 雲龍蕊樹抄招黃鶴騎鶴道人去不同揚跡空臺難住脚在  
 來我欲覓遊仙草堪採晚無束縛短笛橫吹踏踏歌十載回  
 頭成一錯須臾月出光晶瑩長笑一聲山葉落楊錫震小  
 嶺採茶詩幽崖怪壑尖茶抽雪不禿露髓與雲肪四時爭孕  
 青石林既幽潛磔屨更清微老僧咒虎馴寄此餘餌谷乃屏  
 俗遊蹤免爲茶所戮我訪丹邱子笑語狻猊熟茶意似憐人  
 採製每盈掬秘獲山中寶不櫻山魃哭憶昔拉君來共吟千  
 尺瀑左鑪及右杓活火試新酸一片虞洪腸陋彼低梁肉茲  
 遊倍曉君遠在菖蒲麓所貴湯社盟夢寐頻往復何時邀杖  
 笠重訂東溪錄紫荀封寄誰眉雪空縱目蕭蕭立小嶺晚眺  
 詩落日秋天流餘景明西峯冷冷澗底泉蕭蕭山上松鳴水  
 數片雲色變幻不同有時石壁際半映青苔紅遠嶂互高低  
 夕霏皆半封恍若泛溟渤列島波濤中返照與海平紫烟遶  
 豫濤飛鳥語頻歸麋鹿亦羣從忘機觀大化物性盡從容流  
 覽倏以瞬微星或在東言旋宿梵宇曲徑尋前蹤草間躡危  
 磴左右臨虛室屢試方敢度俯睇心忡忡杳杳披重林翠篠  
 同長屨明月尚未照方疑路已窮荆轉出深密始見光相通  
 露垂木葉上疑影相玲瓏後入掩柴門寥寥聽鳴鐘李相應  
 嶺曉南小嶺寺詩踏屐展南山巔山深不知路一線千迴沿怪  
 石蹠行步好鳥紛飛鳴野草蔓零露雲霞異絲翠山麓眇昏  
 暮飛閣不停流空中起潮霧風送遠鐘來冷然愜幽悵係梅林  
 鬱嵯峨怡興賞心還老清笑相迎元言肆談吐清曠屏宿氛  
 沈冥豁良晤月出照千巖著若隱寒樹梁全震小嶺詩歷

盡盤紆復有山林鬱深處水潺湲寺藏絕巘增峻外人立遙  
天縹緲問花氣向然嵐氣濕松聲仍和瀑聲同我來獨踞諸  
峯上吟眺滄溟踏月還鄭海登小嶺詩出谷雲含一空風  
盤崖百折去初通綠屏路掛行天上陰澗泉飛響地中孤磬  
漸浮千樹杪去幢猶隔一溪東到來何用問清梵只此松聲  
聽不窮楊節九折磴詩九折峯腰路帶迴曲曲深天風飄  
蟬蛩掛在青松林絕壁聳千仞行人共一心上方今夜月下  
界正浮沈楊鼎九日宿小嶺栖霞閣詩幾年幽夢正依依  
落帽峯前坐翠微風過木樨香漸細露沾茶蕊綠初肥蟬鳴  
遠澗妨僧定鶴宿寒松帶月歸留得埽邊方丈地雪深還共  
掩柴扉

白頭嶺在縣南十五里出谷口之北越溪二里許卽桂峯寺

祝

國朝楊節詩策杖晚登頓疏鐘隔嶺聞天高四望無人影半  
山分我欲採青草誰同入白雲明朝攜手還元鶴起爲羣  
梁金震詩高踞層巒洞壑幽滄桑重閣幾蒼苔只言有幾多  
華髮詎料無機也白頭月到在疑殘雪清宮夜過白頭嶺詩  
蟠然不改山家趣雲自蒼蒼水自流陳宮夜過白頭嶺詩  
風落潭寒點雪凝少年  
心亦澹何況白頭僧

桂峯

廣東圖說作新安山又在縣南十五里

峭石迭起冠以

青松溪南爲小嶺峯麓有寺

俗名新庵

峯旁有茶亭設茶以待耕

樵者亭前爲新安汛

安上堂山在縣南二十里南爲大尖山北爲旗山西爲將軍

山西北爲南門城山翠山秀特並概青雲

旗山在縣南二十里山下爲上塘村折而東爲石頭村村前

有石林立路傍儼待題勒中有二石如杯琬

南門城山在縣西南十六里南接安上堂山西北爲沙涌恆

美村又北爲竹秀園

將軍山在縣西南二十里南爲戴土嶺北爲胡盧棚村西爲

下馬嶺其山峻峭以繩直有石高起如屋可容數人中有甚

整頓者云仙妹石鄉人所祀禱焉末從考其朔矣

下馬嶺在縣西南二十里嶺有逕爲良都西南之通衢名下

馬逕土音訛爲亞媽逕南爲板橋村又南爲崖應埔村

長環山在縣西南十五里山委折如環故名

西山在縣西南十二里北爲大石鼓山西爲黃蜂坑山

小梅嶺在縣西南十里東接黃蜂坑北爲福涌即曲涌又北爲

渡頭村南自寮後金角環歷第一角汎至沙田村東爲龍聚

環南界北臺溪

蟾蜍嶺在縣東南三十里南接虎逕北歷得能都虎尾三角

塘紫馬嶺齊東土瓜嶺諸山西北入良都牛起灣山俱同上

牛起灣山在縣東七里廣東圖說南接土瓜嶺北爲牛起灣村西

上鳳棲嶺採訪冊

鳳棲嶺在縣東五里西爲仰螺山舊有寺今廢其南有汎爲

東鄉之衝衢志

國朝楊翁遊鳳樓詩：野田蒼莽，稗苗齊寒，食花開漸，滿溪荒塚。路雲縹緲，茅茨裏鵲啼烟迷遠，渚潮初落，雨歇前村。日又孤獨，有鳳山。

昨寺舊遊，梅酒笑也。

萬年陰在縣東北二里，許山隈叢木翳天涼，翠市地西為柏

極斜上同

柏極斜亦名北了，又名婦女墟，因沙崗舊有數場，東鄉婦女多集山下為墟。在縣東北一里

南為大北山北為南，濠雲亭峯西為五榕峽，先農壇在其南

大北山亦名大北山在縣東一里，蓮峯聳其前，金鼓角山峙其後

方輿紀要平遠延綿東界，牛起濟南臨田暴元偽千戶王一據之

元末海賊李祖三盧善相繼劫掠申志宣差託囉克台守其上

一名舊寨山大清一統志

蓮峯山在縣東北一里，高數十丈，即舊寨山，其陽為學宮暴志

明黃鐵登蓮峯詩振衣舒嘯陵崔嵬紫翠簇簇臨風開芙蓉  
千丈海中出文筆一枝天外來  
國朝邑令張汝霖和鍾鐵  
橋李鏡江登蓮峯絕頂放歌了了夜夢凌殊峯踏歌二客還  
能從朝來追之如掃風忽遺黃耳雙詩筒謫仙躡展扶桑東  
長歌吐氣流青虹高山更有知音鍾援琴一曲游仙工我初  
讀之猶鵬背一讀再讀鏗利瞭然三讀俄惺惺夢跡宛繪  
泥中鴻君非真境吾非空三語一笑將母同幸官會現君當  
躬回頭一局悟才終邯鄲枕我睡思濃除章纈下絳夢熊較  
量夢覺兩無庸等之辨日爭雙童世間擾擾誰雄雄大地乃  
一華胥宮至人無爲守其封歧視無明歧聽聲昌羊去蠹來  
蛤窮幽冥遂洞歸元東尻輪一御如飛龍崑崙騰道閭閻通  
繼其遊者惟莊蒙逍遙水擊三千重與君久視俱無窮獨醒  
眾夢迷朝煙浮邱老子洪厓翁拍肩挹袖吾當中朝登員嶠  
夕方蓬龍吹八風鼓豐隆三人長嘯游鴻濛非夢非真元契  
融黃綰紉繞詩繞城山勢折取道晚登臨雲過節松影風來  
送梵音吹烟浮地起夕照入林深今日鄉園樂依然作客心  
左右青山屏列盡東南依巖樹積千重翠負耒人耕萬頃藍  
指顧風光改不盡  
箇中春意可同探

月子山在蓮峯之南縣城東北隅北接蓮峯山脈東爲月岡  
街南爲月山里西界城垣北爲近月里由慶壽山入仁山蓋

縣治之近脈也

祝志

仁山在城內其陽為縣治上有書院

祝志云即仁山書院

其陰為仕學

臺其左曰豐樂園

中志

上有陳文龍墓今院及園久廢惟仕學

亭在墓前數武山多鶴巢

祝志

其北曰

祝志云當作東北

慶壽山城跨

其上前有無量寺東南曰驪山背僅培塿近民居已平西曰

武山城垣跨之上為戰臺

中志

有西山寺四山外尚有盈山

祝志

云在豐山之東福山在仁山東南其南為鳳山

在福山東南東至城垣西

至曰已平於築城時

祝志

方輿紀

以其羅列如星環拱縣

治為七星峯

明黃經武山散月詩刁斗寂無聲銀蟾夜自明林風吹短髮

秋氣肅孤城漫作劉琨嘯仍舍庾亮清樓頭笳鼓曲曲樂

昇平國朝楊錫震西山木棉歌城西西山蔚深秀巖巒嶺

翠羣峯園雨過滌蕩淨修眉朝旭敲巖微異候中有木棉花

之陽百丈青蔥恆高表風霜墜葉挺孤標天矯縱橫畫新就

首春花發吐奇姿絳節形幢若紛綸丹裝綵

香山縣志

卷四

輿地上

山川

美

寒鳥鳴樹鮮妍荳蔻紅紛紛桃杏慙輕售芭蕉荷外  
豔奪目仰視虹蜺任詞話側聞種樹自伽毘貢獻元嘉  
近松江烏泥涇差小白絮疊疊類懶愁惟有一攀枝身所  
計無雙凌宇宙有如西方便鍊羅六識九房縱分續有如  
王嵩室思惟樹歲歲三花若懸窗又如桂海般赤賦上元  
罪覆如幡縷雙綠珠砂工琢錢簇族紅雲捧玉皇十里青  
對爾酣歌南敢後炎炎夏日正舞影迷嬌媚婆娑人宛  
前須復號寒萬問衣被原卑陋楊世德西山木綿詩古洞  
雲梯開百尺枝枝直上燒雲端赤仙馭日龍鬚卷玉女朝  
暮花染衣光向未乾寺外落殘紅兩暮江干流連樹底清  
狂簡能來一放歌斗室忽傳琴韻美清風遙送鶴聲多城  
姑射人如玉雲外滄溟水不波鎮日倚然忘賓主未妨把  
醉堪羅方繩武西山詩素心三五人金傳其選夜傾杯月  
清涼酣觀良話歡言登西山明月人稀憑憑高晨清眺月  
復見山下山僧似不俗飲我清且寒我且步明月仰視碧  
雲端雲亦高高舉手如可攀  
不御風行冷然天路間

南濠雲亭峯在縣北一里志  
西北臨旧其上北曰金鼓角山

申志



金鼓角山在縣北一里志昔海隅嘗聞金鼓之聲故云申志

氷山在縣東北二里北為東濠海路通橫門地最險隘廣東圖說

插笏山一名獺窟山大清一統志在縣北一里峙海之旁四面接

田設有烽堠有西林庵申志白衣庵桓林庵北為基邊魚步東

連岐頭大陂西為圓山子獅崖山北望東濠松隄稻畦烟翠

交錯遠眺無際祝志

明黃瑜備忘山詩西林簇龍象昔為僧所穴道遙入蒼翠永與炎埃絕

國朝李孔昭過笏山寺詩愛聽清鐘出隔城沈沈花外走雷聲忽晴忽雨自朝暮佳水佳山無送迎結社難忘支許

華採泉還動古今情菴西卽是蓮花界取次携蘿頂上行

圓山在縣西北一里西為圓山仔北為張笏澳其上有烟窰

獅崖山在圓山仔後西為牛山山麓有牛口石又張笏澳前

訛為張有筆架石高尺許三峯聳峙俱同上

香山志與地上山川

東林山

俗名雷壇山

在縣南半里

廣東輿圖作一里誤

高五十丈廣百餘丈

接連老安山

廣東輿圖

西為萊菁街山川壇養濟院皆在其上

邑人黃經構山海齋讀書其下

易名東林與西林對

西林山

俗名西邊山

在東林山西北半里中為月山

輿圖說作一里

三峯森列若筆架然接連老安山

廣東輿圖

月山

俗名晒麻山廣東輿圖說作二月山又云一名筆架山形似故名在城南一里

之南有迎陽石

志在麻洲街尾亂石中此石特出高約十丈餘

輿志云三丈餘大四

五丈許

輿志云一丈四尺

上平可坐十餘人壁峙路旁成化間巡海

都督張通題

按題名已埋土中不可見

字畫盈尺適勁古媚林木陰森佳

境也石舊名掛榜自張易以今名其地遠近人事視昔盛衰

頓殊康熙元年六月內颶風濤雨石旁古榕吹折石因仆地

輿志云陽字入地五尺許

是年蛋賊竊發香之各鄉焚劫殆無虛日

申志

志云山下原屬官地居民因石蓋屋道光七年紳士呈請邑侯祝委典史左諭令拆毀由志局給補價銀六十兩以存古蹟

獅頭石在迎陽石北數十步高可二丈以形似名南為金魚

石大尺許在火神廟前相傳廟前舊是大洋石浮海面潮不

能沒今皆成田與地平矣

祝志

老安山在城西南二里

暴志作半里誤

上有古塔

廣東圖說

東南皆田

祝志

西臨海為縣水口衝要

申志

石岐山

亦名阜峯俗稱烟壑山

在縣西半里

祝志

大清一統志作城西北一里

高十丈

廣五十丈四面環田烽墩在焉

按今廢

明萬厯間建七層花塔

於其上

廣東輿圖

隱泉寺眾香亭在其麓

祝志

與蓮峯相對土燥多

石

大清一統志

直抵於海其陽為何驥士亦松堂

申志

長洲山在縣西三里俗名馬山又西一峯名獅山

祝志

在四水

香山縣志

卷四

輿地上

山川

四

中石岐海東西濠濬西獅子濬北王屋洲海南申志

明黃瑜長洲山詩微雨山簾賞心投鷁羣梯蘇憩幽洞松  
花如密雲龍湫接舞濤石濤時遠開野州退苦徑牛羊下斜  
暝 伍瑞隆詩烟雨濠濬水頭長洲莫即  
是瀛洲憑君為憐羣峯看似有玲瓏十二樓

案以上仁良都山

三元泉在石岐山下三元觀內隱泉寺眾香亭側祝志

國朝楊錫震秋日試三元泉詩吾香之泉推金紫清列蘊蓄  
無浮洋年來樵牧雜牛羊百丈寒巖就傾圯還勝招尋學士  
松萬樹森森開綠綺探奇池欲臨巖巖獨策孤筇窮弱水三  
元殿宇鬱嵯峨右側石泉指甘美茶館活火試松蘿僕鼻露  
香濯水齒山靈護惜名詞深著待片碑擢蘭芷虬潛豹隱豈  
徒然風動雲行誰可止聖恩題首額三元願與茲泉契元始  
流水坑在縣東三里東為仰嶺山西南萬年陰流水清澈固

寒不涸同上

石溪有水如瀑布申志在縣西南四十里土人名曰水門水貫

流萬山中迅駛如瀧馬良都谷都界申志云在縣東  
一百五十里谷都談祝志

深溝源其水一自分花水坳由北而南至鹿鳴嶺前一白白  
坳坑村會諸峽水由東而西至鹿鳴嶺前合流爲白坳坑  
一自長沙埔會諸峽水迤西至白泛州一自黃茅岡會諸峽  
水由北而南至白泛州合流西出會白坳坑涌出海上同  
白銀水自馬屯山在縣西南五十里山溪旁有銀樹西北合

梅花水

志

梅花水由鴻鶴嶺西流數里出梅花村故名眾壑所湊匯而  
成溪使流浩漾冒石而過波往仍迴勢皆倒注千百折無一  
直瀉者沿溪皆喬木叢竹雜莢芳卉紛綴如錦湍急處往往  
有磐石阻激中流可趺坐而聽泉也其溪有小舟農父渡溪  
耕深山中鼓楫石間與水旋折若三瀧之險矣其中有巖洞  
鱗介生焉舉網所得鮮美異於江湖西折三里至石鼓礎之

南白沙瀾瀾狀如凝雪又納牛耙石飯包石香爐峯諸水出

石橋而西又匯大尖山壽星塘花樹坑戴土嶺諸水而過北

臺山之南出龍眼樹涌注於海在縣西南三十五里申志云五十里誤

明黃瑜詩早春適川上興隨流水長時有白雲至遠帶梅花香日誦文山詩日送孤鴻翔悠悠字宙間是非兩亡羊

翰墨泉在壽星塘山下浮石陂陀上無落瀾而泉出漱之有

翰墨香遺名舊傳斯亦山谷含靈之異也

同上

六十陂自梅花水南來在南臺之北戴土嶺之南

祝志

橫坑水在南臺之下上為梅花諸水之總流

景志

春坎坑在縣南三十五里石受水激其聲如臼俗人因以名

之北納雙合山南嶺之水或以為納長江山眾流滉波浮響

無輟西注石鼓潭與梅花水合案申志云西北合梅花水長

于海坑春坎坑之水能合雙合山南嶺之水西北合神涌水入北出也

可以合長江山東峽之水而出  
海亦非由春坎坑也 祝志

分流海在港口上流東注於東洲門北通於廣甲自港口汎

北至橫運汎十里又北為浮虛海屬都東出東海西接署步

汎屬都皆屬鋪錦海即分流海志

港口在石岐上流水小而淺濶平可濟夕涸則難縣北之咽

喉也明正德間為寄庄豪右所築今通之申自上開汎北至

港口十二里自港口而南為潤濠口又南為張溪口上開汎及潤濠

文開俱又南為員山仔涌口西為獅濠口皆屬於港口海志

自上開汎至下開汎六里上開之南為青雲橋涌口又南為

元壇橋涌口下開汎皆屬石岐海

唐鄭愚泛石岐海詩此日攜琴劍飄然事遠遊臺山初罷霧

岐海正分流漁浦殿來笛鴻遠翼去舟影愁滿柳早衣怯菱

荷秋末卜虞翻宅休登王粲樓恰然懷伴侶徒爾賦離憂

明黃巖自香山泛舟歸粵洲草堂詩日暮長風吹釣絲扣舷

香山縣志卷四

山川

星

歌向月明時乾坤網網長如此世事悠悠自不知積雨盡從  
滄海去高山不逐白雲移等閒傾得東皇意草色花香總是  
詩黃佐石岐夜泊詩香山秀出南海隅四圍碧水涵青天  
七星峯巒擁樓閣北斗照耀開雲烟雲烟長白峯巒起覆露  
千家連百里漁歌菱唱不勝春桂棹蘭橈鏡光裏石岐夜泊  
白鷗沙南臺縹緲浮梅花蛟浦澄澄洗明月龜城謫謫升繁  
霞繁霞明月從昏曉翠旗朱纛紛綽窅井澳空傳北騎仙鳥  
巖多見南枝鳥鳥飛仙去杳難尋木自成橋水自深登堂一  
入青山郭向友樵聞綠綺琴綺琴古韻真奇絕正氣當年動  
逸汰共言解恨慍慍薰風誰悟知言愁白雪白雪蕙風調莫彈  
栽桃栽柳世稱難身隨列宿歸天上跡比靈光奇此間大北  
山前松柏老壽星原上多瑤草宋宋今為南陌行迢迢昨憶  
青門道道出青門月子岡俗鳥飛驚滿蓮塘競誇北里星牛  
馬絕勝西康策鳳凰豪華比屋何須數海錯山珍棄如土到  
處那無種玉田營家自有藏金塢豪華堪美亦堪悲零落山  
邱能幾時紅錦成灰裝半臂磨滅芳名誰復知此時壯志期  
鴻鵠此夜疎疎照帆宿浩歌梁  
甫回陽春浴波渺渺桑田綠

自下聞至第一角風十五里下聞之南西為西河口東為白

石涌口

其水一白橋仔頭一自天

又南為槎橋落涌口又南

為威遠小堡

其水一白橋仔頭一自天

又南為荔枝基涌口又南為渡頭涌



山水從黃蜂坑峽出流入海其下開海又南為第一角

汎俱同

第一角海在縣南海門遠臨南祇大洋乃縣南部之咽喉也

黃通志明初都指揮花茂防寇於此民呼曰花夫人馬頭距

北臺汎十里中為北臺汎口在北臺南自北臺南至深灣汎十

里中為深灣汎口其西即芙蓉沙中為橫河

口達新會界其南鄰崖頭海屬谷海道四達屬

獅濬在上開之西自東而西繞長洲鄉之北北接猛水涌

西河涌在下開之南自南而北出西河橋北過倒瀝涌口又

北過橫濬口又北入獅濬接猛水涌口自橫濬口及倒瀝涌

之西與猛水涌之北俱接象角大海長洲鄉人在橫濬倒瀝

之間築礮臺焉

澗濠在上關北五里由西而東爲三濬口張溪水注之又東爲犁

頭岐頭水注之又東爲東濠口羊角濬注之出東濠

張溪本名張多溪發源蓮峯北峽出大陂村迤西過厚興街魚

步至基邊村前分流一會三濬口出東海一經張溪村前出

西海

圓山涌在上關之南其水自圓山村前出圓山橋一西會青

雲涌一迤西出涌口入海

青雲涌其源一自插笏山前長界出北而南折西過誕嘉塋

按本作蛋家塾國初爲蛋民聚處故名西北至青雲橋一自圓山村前由西而

南一自紫里水松基由南而北又南過界水廠爲後岡涌又

西過甲子橋折北而西合眾水南過步雲塋出青雲橋入海

俱同上

元壇橋涌源出蟠蛛嶺西峽合雙合山北峽之水採訪至三

角塘村前為羅婆陂西折至虎涌部誌村前桂峯小嶺諸峽

之水來會至蜆涌陂水缺分流其一迤北九崗入清風橋繞

文廟而西過元豐街為東濠會東關水又西過南門橋為

南濠會南關水出登瀛橋其一迤南折西過橋仔頭又折北

為西邊涌東北至登瀛橋合流過梅基為沙角為灣底總名

南河出元壇橋而入於海順志

國朝李韓南河記升詩南河堤畔綠楊風一水潄環雨漿中

蕩入賣魚塹裡去午潮剛到石橋東 水藻牽風漾淺沙葦

蘆深處有人家長堤晒網

張漁具密竹編籬種桂花

荔枝基涌其水一自北臺山北峽發源而長環西山二山北

峽之水自西注之又下馬嶺葫蘆棚上塘之水自東注之迤

北而東過沙涌恆美村轉西出涌一自石頭山發源迤南而

西出涌合眾水入海俱同上

放生池在縣治右八十步仁厚街西長一百步元祝聖放生處自嘉靖二十一年丁未修志歷今康熙十二年癸丑相去一百二十七年池入民間今不可考志中耆舊以爲今何氏梅

圃有池卽其地祝志案今爲劉氏宅

大井在縣治西北仁厚街志中

義濟井在縣治西六十步宋貢士鄭度穿

沙井在西門內武山下其泉自石中出甘美可愛

白水井在縣南半里地名沙岡頭其井最古鄉人共汲舊志云黎家巷卽此處

黃婆泉在縣南二里許味清冽關茶家皆取汲於此蓋以其近也

象乳泉在縣南十里飛鵝山之北味甘冽小嶺僧慧融掬之而甘因闢焉

萬年井在蓮峯麓今涸

冬滿井在義祠後石山下夏平冬滿因名

溥惠井在縣東北丁村集真堂前舊志集福去縣東二里

滿水井在縣東七里滂仔屋下泉湧不息味清美（舊志云佛名屋地名）

有三一在陸都一在沙漏而此在土瓜嶺牛起灣之西北

長命井在縣東小北丁村三里（俱同上）

仁壽井在崇義祠內居民飲此多壽（祝志）

漢水井在北山村（申志）

### 案以上仁良都水

象角山在縣西十里（祝志云當西北臨海舊志宋亡時一夜）

號慟至曉見小石室立於上俗呼佛仔屋申志其南有石門山

大清一統志距象角村一里許土人呼曰獅山雙峯並聳一類一

昂前有小石山如毬後有小山遠峙平田中因有此名山西

北麓水波衝激谿呀豁間中一巖獨高而廣內有石平衍微

窪如蓮花山中產仙蒜祝志

龍山城西十里廣東圖說

石門山郡志作石門掩峒在縣西十里東臨海申志

濠涌山城西南十五里往來大道廣東圖說

起鳳環山城西二十里一名竹仔林山濱臨大海往來大道

西界新會縣同上

疊石山在縣西十餘里石門之西大清一統志廣廣東圖說作二十六里廣脈曰

新會圭壑渡海而來石骨嶙峋為縣治右弼之障張志

青蓋山在縣西南七里

視志云在縣西二十里今案當作二十四里

高潔雄偉

申志

土人名曰卓旗山在疊石村東青蓋村南高卓為羣山之冠

上有石室十八陰寒森竄雖盛暑晝晴不可久坐

視志

觀音巖在大石村後

視志

作大石

城四十里

廣東

山麓峭石

高廣數丈巔平積水如池曰曬經臺曰浴鳶池古榕木棉高

插霄漢石磴數十級蟬轉而上為觀音巖昔有猛虎據焉明

僧元默來此虎遜而去次日仍返洞旁大吼元默為虎說偈

即去不復來故又曰虎遜巖

視志

明李升宸觀音巖詩並序巖去鐵城不五里而還石平如砥

下巖一洞幽深奇勝然遊人罕到藤蔓交垂云石牀干尺

倚雲根小有清虛敞洞門風雨不驚龍臥穩烟霞長護佛壇

尊雲封鳥道幾穿徑日落人家別有村何事杖藜天外去儘

饒方內足攀援國朝邑令彭翥詩鐵城西去祇林春選虎

高僧蹟未陳憐槐渡河傍曼哲須知河外亦吾民樹杪摘

藍號綠天客來高枕石頭眠春光

海上多蕭瑟昨夜空山放木棉

香山縣志

卷四 輿地上 山川

案以上龍眼都山

神井舊名牛王公井在龍都山谿角雲漢堡鳳山之陰色清  
潔味甘而香道光乙酉有不潔婦過而濯之遂泥不食越旬  
餘忽從旁湧出一穴其泉香美與舊同居人嘉其所養不窮  
且喜其能自潔也護以石欄志

書帶靈泉在西亭鄉西書帶坊道光庚寅鄉人浚發成井志

翰香池在西亭鄉天旱不涸同

象角頭海在縣西十四里志西接鱗魚瀝北通大欖東南通

第一角海大清一統志其勢汪洋風起浪湧舟不可緩晴則水光

接天往來晏然申志源自鋪錦海來流至竹仔

林木洲虎院門厓門牛角山通新甯舊廣海衛三百里志



疊石海在縣西三十里視志作三十六里中多魚蟹之利方輿紀要旁有

巨巖鄉人置蟹餅魚筒採捕鮮物邑人利之志疊石海自順

德縣匯三槽海流至香山阮通志

中洲海在濠涌村下海中有二石一曰牛石一曰寶鴨石上

下相距二十餘丈下有窟土人云水怪居焉漁人不敢近嘉

慶己巳海寇為患恃此二石盤踞中流大船不能深入實為

邑城水路險要志

案以上龍眼都水

古鎮山在縣北阮通志八十里廣東圖說西接新會界清一

統志土人曰鐵帽岡其北曰南門山城西北七十里廣東圖說互村

之中如眠笏志

日富山日申志在海洲村大清志繇回阜衍沿江北行如虬

山系志與地上山川

龍鼓浪而趨祝志

案以上古鎮曹步海洲山

鱖鯉瀝曹溪水驚海水祝志詳水利

案以上古鎮曹步海洲水

欖碇山在小欖西北臨田枕水勢衍氣清暑染煙霞翠色如

畫祝志

鳳山又名小欖山在城北七十里小海中廣輿記峰巒秀峙紆

而西指蘊靈盤結有泉石之美山下有翁該園申志

明陳子壯望懷山有作詩若士相望海越竟莫疑西漲有狂  
潤蛟龍起處多成島日月分流並作海識面在逢漁父問輕  
身欲學水仙餐前溪一曲  
閒情與暫採芙蓉報不難

飛駝山即大欖山在縣北七十里山勢蜿蜒中間屏嶂左為

落霞峯申志為倚劍峯李孫宸詩注

明謝長文詩山月隨人白紆遇野徑微霜香秋雨後盡話夜  
春務漸寒侵面花晴香入衣相君聞杖履愛客未言歸  
國朝劉涪烈詩峯烟樹影蒼花策杖登陴對夕陽古寨向  
作蓬萊地舊都猶記永甯鄉孤村海角民居少野寺山邊鐘  
是鳥鳴空水澗

國在小櫃之東北上有連理樹清翠深沈峯巒圓潔如珠

邱記

所字孫宸詩並序國櫃山頭有雙樹連枝者下有古墓存焉  
與諸子異而賦之雙樹古木接連垂下有荒墳事可疑應  
是芳遠自未死故將幽恨表連枝想像泉臺事豈真來生  
未盡客生因人開歡合隨流水得似雙枝歲歲新白楊烟  
雨青烟迷何處牛羊下古堤獨有

關情共鷓鴣春來偏傍墓枝棲

半峯在小櫃之東成龍里山石塋確枕於平疇如月半規上

國朝李鐸詩倚空分嶽勢拔地作奇峯路仄門藤上巖虛曳  
杖從劉開烟紫翠飛出玉芙蓉坐聽吹笙近天風響古松

### 案以上櫃都山

梅花泉在大櫃落霞峯之陰伍鐵山在榛莽中得之味如梅

花芳馥寒冽志

明何吾騷有記

開元泉去梅花泉一里水僅盈尺汲之不竭始闢於伍有開

傳元子故名

明何吾騷有開元泉記見暴志

國朝羅世舉詩序落霞之側有泉水焉古木蒼翳山竹掩映  
靜坐相對如挹清霞旁寺數椽僅蔽風日閱其碑記為何相  
君所闢凡天下之泉俱出於石此獨在泥塗荒莽中涓滴甘  
冽上以供高人駭客所烹瀹下為澗壑灌榮之需而泉之用  
以廣倘非好事者搜而出之終慘結而止此與土之困厄泥  
塗一旦遇知己拔之青雲揚眉吐氣澤被生民何以異哉易  
曰井渫不食為我心恻可用汲王明並受其福吾因慶此泉  
之幸後之徜徉於落霞者漱頤漿汲石髓其亦飲水思源無  
忘搜剔之功也李鐸開元泉重闢詩古寺經重闢茲遊興  
亦佳晚山寒寂靜疎竹影交加煮茗探泉脉清齋損蕨芽老  
僧兼舊蹤跌坐數烟霞劫灰經一度瓶鉢尚依然養竹遮  
山徑鋤雲疏瀑泉參成船子偶悟後爐殘禪寂處如相慰紅  
爐芋火邊○僧成鸞詩停舟偶過開元寺就地還尋最勝泉  
石營久荒苔綠外茶烟猶掛薛蘿邊當時一滴成花雨終古

餘波及石田老神不知陵  
谷變殷勤泡注奉金仙

孕雲泉在圓峰之麓味甚甘冽異於常派

二埤海在小欖北其西北為石排海為滯頭海又名村心滯

又西北為橫流海沙滯水在小欖西與順德分界處北通石

排海西通螺沙海寨前海在小欖西

鉸剪口橫海在小欖東其東南為流板海

咸角海在小欖南其西南為橫琴海上俱同

### 案以上欖都水

浮虛山劉欣期交州記曰浮石山在海中而峙高數十丈浮

在水上藝文類聚在縣北七十里祝志云當峙海中望之似隨波

上下張府志山海經南海有浮石之山疑卽此方輿

宋鄧光薦浮虛山記凡形於太虛皆浮也地在天中故地有四游水包天外故天曰六幕人於其間蛟蚺其起滅蜉蝣其

系示 山川

三

生死其浮孰甚然不自知其爲浮也凝塵聚沫適然相遭認以爲己有遺愛餘想業緣相逐指以爲己出蟻闢戰勝負相尋誇以爲己能皆妄也惟先聖之倫鍊形以歸真集道以成實是以御風騎氣乘雲倒景以逍遙於形氣之表與大初而爲鄰長萬古而不老蓋泊然太虛也顧其聖靈影響形化往來每依乎名山大川與人若不相遠豈非鬼神幽沈物形偏塞而人類之靈明通悟者亦可以超然而心會乎番禺以南海浩無涯島嶼洲渚不可勝計其爲僊佛之所宮者時時有焉未至香山半程許日浮虛山山虎踞而屬蒼龍懸而若折蒼然烟波之上四望無不通方空澄而霽一望千里來航去舶擢歌相聞及微風鼓浪噴薄其迷舟望山咫尺若不可到故過此山且喜且懼異時權勢雄據孤聚號依險機毒上下相尋以害行者則又指此山爲荏苒綠林相戒而不敢出獨寓公承節郎番陽趙君時縱過而樂之及請於常平賈其山及四畔水潭數百頃而屬道人達西奉佑聖之祠於其上趙君輕財喜施環祠之數十里內山巖水隈可菴可堂菴之堂之無靳色而達西苦行強志經營十餘年又能哀眾力以相趙君之所不及於是爲屋幾間爲殿一爲堂四爲內室一爲寮舍二供佛有所施舍有塔殿之宏願壯麗則承節之子承直君茅燒開而茂之樹林蕭森阪道晴爽雖他山之號稱洞天福地者有不能過戊寅春購舟麟馬屋毀於火惟元帝一殿巍然獨存獨有物呵護者然趙君之施不厭遠西之志不倦罷之願助者不輟皆曰必使有加於前光慈遺地三年崎嶇海岸何所不至丙子夏攜家潮居冬赴辟於廣嘗過

其下祝於神曰他日當為此山記之次年隨承節客香山數  
月每欲從之往遊輒不果今年既喪家請府城始獲一  
廬時暑方劇舍舟而登獨鳴樹間迺在竹下蕭然有出塵意  
已而坐石聽竹倚巖睨海盤桓終日不能去而山之人為言  
海中羣盜有食山之一竹一木者輒驚動觸廟以是莫敢犯  
嗚呼宇宙以不有此山無此屋也有聖者居之使奸無所容  
適有所為則前所謂聖靈影響者以名山以度人幾是矣抑  
山何不可名而謂之浮虛豈非天人之高舉未忘世間邪節  
薄游登臨其上以同俗歎世將緣是而得名耶山空潮落月  
朗星清必有靈雲旗幟長劍孔翠荒闕然而來下者山之  
人以時候之景天三年戊寅仲秋朔日 國朝梁金震詩獨  
扼滄溟控上流天南形勝已全彰山蟠一柱星辰接海漚三  
江日月浮蛟窟亂雲迷遠樹滿空寒浪戲輕鷗蒼茫異蓬  
萊島嶼振仙槎不可留 劉信烈詩微茫孤島海中洲地匪  
滄溟日夜流雲樹似隨波上下荒村疑共水沈浮琴高赤鯉  
誰能識帝子靈旗不可留應有餘波潤南畝陽侯功業在西

永泰山在縣東北海中一百里祝志云當作七十里大海之東曰三角

大海之西曰坡頭皆護浮虛申志

大塔山即鎮子在大黃涌村即大黃園高突以形似名其陽聚平山

香山縣志卷四 輿地上 山川

民耕其上同在縣東北七十里明萬厯間林東山築墻垣嶺巔與鄉人避亂其間畫山成河漁釣于上寇莫能至鄉人祀之今遺址尚存祝志

尖峯山在大塔山東南二里陡峻峭嶢其中礧礧之石如虎形者磊砢重聚莫形其狀上同

馬鞍山在縣西一百二十里

祝志云當作東北七十里

形勢雄峻爲郡治

案山

申志

后岡城北七十里附近傘馬山南爲金馬山

廣東圖說

坡頭山在大塔山西南八里許特峙海中諸艘在洋望之惟

此山卓立特異故多準之以爲出入

祝志

鯉魚岡在縣東北七十餘里山如鯉魚戲於海中首尾畢具其東北麓白石築立高丈餘中豁巖洞寬可展坐鄉人鐫刻



普陀巖三字

東坑大岡在黃岡村東北三里餘中有巖秋冬滴水不涸下

有石如蟾蜍者二其南石屋洞開能敷席四

俱同上

義魚岡在小黃岡村志城北八十里

廣東圖說

山北麓有石橋嵒

起高二丈餘長十丈餘其北近海如虹之飲川橋上石磴平

埔古榕繁蔭橋下穹窿如石室東西門戶光明洞達

志

平岡按即城西南八十五里濱臨大海往來大道

廣東圖說案城西

商當作城北

橫檔山在縣治東北五十餘里高五十餘丈橫一百餘丈四

面臨海山勢如屏以折怒潮之衝山下爲鎮南村自乾隆己

卯始有居民今澤田日高海水不溢生聚漸繁村前水松環

繞翠可接天山之中有大石中竅如環風從中來音如箏笛

旁有石井清冽如醴秋冬不涸山之西南爲鰲魚石西南編植荔枝數千東北海風勁烈荔枝花而不實惟松櫟茂植遠望如堆翠浮黛焉祝志

羅漢嶺在潭洲鄉東同城東北一百二十里廣東志上有巨石

十八甚整肅土人因以名之又有巖亦名觀音巖傍有泉清

冽不竭祈雨輒應祝志

放馬山在潭洲西南同城東北一百二十里廣東志如渴驥奔

赴噴奮洪濤祝志

銅鼓地在潭洲尖鋒山下距土城里餘以足踏之聲如銅鼓

相傳建城時曾埋銅鼓於此採訪冊

寶鴨石在潭洲海口隨水浮沈同上

龜岡山城東北一百二十里濱臨大海最爲險隘往來大道

廣東  
圖說

蛟頭山在縣東北一百二十里峯巒繚繞挹領羣山祝志

烏洲山在縣西北一百里海中申志祝志云當作北迎七

駟東拔二層飛波激湧屹然不流祝志

蕉門山在縣東北一百二十餘里廣東圖說作來雨黃角鄉

東控沙引潮水常淤濁為巨洋出入之要津東南為東莞南

沙山

谿谷山城東北一百二十里廣東圖說在黃角鄉之中前為月山

丁瑞石在白沙環山有石二卷聲清如玉因有此名俱同

案以上黃旗都山

井沂水在潭洲南畔山下水色晶瑩味甘冽中有銀蝦祝志

坵海在大黃圃村南五里澎湃浩瀚中有蜜糖池相傳舊有

大蚌在此吐吸珠光味如蜜若虞淵之甜溪也

同上

浮虛海在縣北七十里亦曰橫江自新會縣江門分流東出

經大黃圃小黃圃曰倒流海又東南經浮虛山曰浮虛海又

東曰分流海至東洲門入大海

大清一統志

倒流海在浮虛之上

其中巨嶺激水湍急迴流深險

申志

小黃圃海眾水輻輳水寇之衝舊置巡檢司民稍安堵今宜

專哨鎮守以握其衝

同上

天狗尾海在大黃圃之北東注潭洲西達高殼頭山

祝志

獨子洋東南達橫門東北達蕉門西南達縣城導納眾流蕩

陽淹浸

同上

案以上黃旗都水